

3(720)
2026

Հրատարակվում է
1999թ. սեպտեմբերից

ԼՍԱՐԱՐ

Ճանաչել զիմաստությունն եւ զիրար, իմանալ զբանս հանճարոյ

Лусарар

ԿՐԹԱՄՇԱԿՈՒԹԱՅԻՆ ԹԵՐԹ

Lusarar

Հովհաննես ԹՈՒՄԱՆՅԱՆ

ՄԻ՞ԹԵ ԴժՎԱՐ Է



Հայոց Գրական Ընկերության անաջին երեկույթի բացմանը մեր գրեթե ամեն մի ուղղության ու ամեն հոսանքի մարդիկ միասին հավաքվեցին, միևնույն զգացում ունենալով, միևնույն անկեղծությամբ խոսեցին միևնույն առարկայի վրա հաշտ ու համերաշխ: Ես երևույթը էնքան լավ էր ազդել մերոնցից շատերի վրա, որ չէին իմանում ինչպես արտահայտեն իրենց ուրախությունը, իսկ նրանց ուրախությունը է-

քան ծանր է ազդել ինձ վրա, որ չեմ իմանում ինչպես հայտնեն իմ վիշտը:

Մի՞թե հիրավի, միտք եմ անում ես, մենք էնքան ենք զուրկ առաքինություններից, որ մի լավ գործի մեջ էլ իրար կողքի կանգնելն ու միասին ուրախանալը պետք է էսքան մեզ զարմացնի ու էսքան ուրախացնի:

Եվ հեռու է տանում ինձ էս մտածումներն ու ավելի մեծ է վիշտը:

Կյանքն՝ իր ամբողջության մեջ՝ մեծ է, շատ է մեծ: Կյանքը- տիեզերական կյանքն է, և մարդու կյանքի ամբողջ վեհությունն ու քաղցրությունն էլ հենց էն է, որ իր շրջապատի միջոցով ապրի էն մեծ կյանքով: Բայց մարդը սովորաբար չի կարողանում ապրել էն մեծ կյանքով, ապրում է միայն նրա մի մասով- մարդկության կյանքով: Սակայն նույնիսկ դրանով- մարդկության կյանքով

ապրելու էլ քչերն են ընդունակ: Չէ՞ որ կյանքն ինչպես անսահման մեծ է, էնպես էլ փոքր է անսահման: Եվ ահա ընդհանրապես ապրում են ավելի նեղ ու փոքրիկ կյանքերով: Կա ազգային կյանք, պետական կյանք, դասակարգային կյանք, կուսակցական կյանք, ավելի - նեղ թայֆայական կյանք - թշնամու բանակների պես կանգնած իրար դեմ մինչև էն պատլիկ ես-ը... Էսպես էլ գնալով, գնալով էնքան է նեղանում ու նեղստանում, մինչև կտրում է մարդ արարածի ազատ շունչը ու բանն էնտեղ է հասնում, որ նույնիսկ իրար հարազատ մարդիկ զարմանում են, որ կարող են իրար կողքի կանգնել ու միասին ուրախանալ:

Ո՞վ ողորմելի ուրախություն, ի՞նչքան ցավալի բաներ ես ասում դու...

Բայց մի՞թե ճշմարիտ է, էդքանն էլ չկա

մեր մեջը: Մի՞թե անկարելի է լինել առանձին կարծիքի ու համոզմունքի և հարգել իրար ու նույնիսկ միասին ուրախանալ: Մի՞թե դեռ ժամանակը չի հասել, որ կարողանանք լինել ավելի լայն սիրտ, ավելի համբերատար, ավելի ներող ու սիրող, քան թե ենք: Մենք շատ ենք քարացել չկամության ու չարականության մեջ, շատ ենք ընտելացել ատելության մաղձի դառնությանը ու դարձել ենք ատելի. մի՞թե խորթ ու անմատչելի պիտի մնա մեզ սիրո պայծառ զգացումները, մի՞թե չենք կարող իրար մոտենալ, բարության աչքերով նայել իրար ու տեսնել իրար մեջ մեր լավ կողմերը, քանզի մարդ չկա, որ լավ կողմեր չունենա, ու էսպեսով էլ կյանքը դարձնել քաղցր ու սիրելի:

Մի՞թե դժվար է:

1913

ԼԵՎՈՆ ԽԵՉՈՅԱՆԻ ՀԱՎԱՏԻ ԿԻՆԸ

Լևոն Խեչոյանը նորոյն հայ արձակի բացառիկ և ինքնատիպ դեմքերից է, թերևս իր տեսակի մեջ միակն ու անկրկնելի, քանի որ նրա թողած գրական ժառանգությունը, մինչ իրեն ապրած մեր բոլոր մեծերի գործերից կնիքը կրելով հանդերձ, տարբեր է ու նոր: Նրա գրչին հատուկ դիցաբանական-ասքային ոճը, մարդկային հոգու, իրերի և երևույթների խորքը պեղելու ու անսպասելի բացահայտումներով ընթերցողին անակնկալի բերելու ունակությունը, որպես հոգեմտավոր հաղորդակցման յուրուրույն ձև ընտրված խորհրդանիշ-ծածկագրերի փիլիսոփայությունը, քաղաքացիական հաստատուն կեցվածքը նրան դարձնում են մեր ժամանակի ամենաառեղծվածային ու մինչև վերջ չբացահայտված արվեստագետը: Այս առումով մեր գրականության մեջ նրան կարելի է կոչել «չսավածի վարպետ», ով մղում է ընթերցողին դառնալու համահեղինակ՝ ապավինելով սեփական երևակայության ուժին ու կենսափորձին: Նրա պատմվածքները կարելի է անվերջ ընթերցել ու ամեն անգամ դրանք նորովի հայտնագործել, իսկ կարևորն այն է, որ տարաբնույթ այդ զգացողությունները օգնում են քո տեսակը հասկանալու և ինքդ թեզ ավելի լավ ճանաչելու: Երիցս իրավացի էր նա, երբ ասում էր. «Ինչպես Աստուծո կողմից ուղարկված առաքյալները, այդպես էլ արվեստագետներն են գալիս, գալիս են՝ երկրագնդի վրա իրենց աղոթքը անելու, որպեսզի մահկանացուի կյանքը թեթև, հեշտ, գեղեցիկ լինի»: Մեզ մնում է խոստովանել. «Դու աղոթել ես, Դու աղոթել ես ծնկաչոք, և Քո աղոթքը Աստուծոն է հասել»...



Արցախյան պատերազմի բովով անցած ազատամարտիկ-գրողի «Սև գիրք, ծանր բզեզ» գիրքը և մի շարք պատմվածքներ այդ դաժան տարիների արձագանքներն են, մեծ հայրենասերի ու համամարդու ընդվզումը մարդկության հորինած ամենամեծ չարիքի՝ պատերազմի դեմ: Նա այն տարիքում էր, երբ, ինչպես ինքն էր ասում՝ «ծուկը չի ծալվում հայրենիքի ծանրության տակ», բայց, արի տես, որ դարեր շարունակ պարտվելուց հետոյի հաղթանակը չկարողացանք արձևառել և օգտվել նրանից: Նրա քաղաքացիական հաստատուն կեցվածքը անխախտ մնաց մինչև վերջ, քանի որ «միակ բանը, որ գրողը կարող է անել՝ ազնիվ խոսք ասելն է»: Գրողի գեները իր ազնիվ խոսքը համարող արվեստագետը անվրեպ օգտագործեց այն: Մեր պատերազմի օրինակով մարդկության պատմությանը հայտնի հազարավոր պատերազմներն ասես սրբագրել էր ուզում՝ մի կողմ թողնելով թշնամուն նսեմացնելով հաղթելու ցանկությունը: «Անգամ թշնամու գերի ընկած զինվորը մարդ է, որի մահը կամ խաթարումը ցավ է պատճառում: Ես որևէ մեկի մահով չեմ ուրախանում»,- հարցազրույցներից մեկում ասել է Խեչոյանը: Գրողի անժամանակ մահը անլցնելի կորուստ եղավ ոչ միայն մեր գրականության, այլև հայրենիքի համար, նրա տաղանդի բազմաթիվ երկրպագուների համար: Նա համոզված էր, որ «գրելը կորուստների վերադարձն է. երբ որ հայրենիքից, երկրից մի գույն է կորչում, դու քո գրելով վերադարձնում ես այդ գույնը»: Այս հարցազրույցը, որն արվել է 2013-ի ամռանը Ստեփանակերտում գրողի մահից մի քանի ամիս առաջ, և որից, խոստովանեն, դժվարությամբ են բաժանվում, թող լինի կորստի վերադարձ... Նաև՝ գրողի ուղերձը հայ կնոջը, չէ՞ որ «ի վերջո, կնոջ համար է, որ տղամարդը գնում է գողվելու»...

- Հայուհին՝ ըստ Լևոն Խեչոյանի:

- Հայուհին, առաջին հերթին, ընտանիքն է, հայի հարատևող օջախն է: Ի տարբերություն ուրիշ ազգերի կանանց՝ հայուհին հատուկ կերպար է, տեսակ: Որ այսբան ողբերգությունների միջով ազգը, պետությունը անցնելուց հետո չի փլուզվել, դա հենց հայուհուն է մեզ պատերազմ տանել, այդ կինն է, որ մեզ մղում է ստեղծագործելու, մեզ ռոմանտիկ ոգի է տալիս: Սա է հայուհու առանձնահատկությունը, և սա պիտի կարողանանք պահպանել:

- Հայուհու տեղն ու դերը ընտանիքում և հասարակական կյանքում ինչպե՞ս են գնահատում: Արդյո՞ք կնոջ տեղը միայն խոսանոցն է:

- Ես կարծում եմ՝ ոչ: Մեր քաղաքական գործիչները պիտի այնքան խելացի լինեն, որ կնոջը տեղ տան նաև իշխանության, կառավարման համակարգում: Հայ կինը շատ իմաս-

տուն է, դարեր շարունակ ինքն է պահել մեր օջախը, ուրեմն նրան նաև իշխանության մեջ պիտի տեղ տալ, որովհետև նրա իմաստությունն ավելի խելացի կդարձնի կառավարումը: Մենք չպիտի մոռանանք, որ հայուհի էր նաև համարյա խաթարող «Սասունցի Դավիթ» էպոսում, նույնիսկ էպոս չէի ասի, «Սասունցի Դավիթը» մեր Աստվածաշունչն է, որտեղ ի՞նչ հերոսական կերպար է հանդուրժող օջախ պահելու, ամուսնուն ոգևորելու, նորանոր գործերի մղելու առումով: Այս կտրվածքով պիտի գնահատել հայ կնոջը: Ես չեմ ասում, որ հայ կինը բոլորից լավն է, բայց որ հայ կինը տարբերվում է ուրիշ ազգերի կանանցից, փաստ է, լավ թե վատ՝ դրա մասին չէ խոսքը, նա յուրահատուկ տեսակ է, նրան դարերի ընթացքում մեր պատմությունն է այդպիսին դարձրել: Հիմա, երբ խաղաղ ժամանակներ են, հայ տղամարդուց պահանջվում է այդ էակին ավելի խնամքով ու քնքրորեն մոտենալ:

- Որքան հասկացա՞ խանութի

կերպարի հանդեպ յուրահատուկ վերաբերմունք ունեք: Վերհիշե՞ք մի որովազ էպոսից, երբ նա գուսաններն ուղարկում Դավթի մոտ, որ իր գուլքն անեն, և Դավիթը սիրահարվի իրեն: Արդյո՞ք հայ իրականությանը հարկ էր կնոջ սնան քայլը, և ինքներդ ընդունում էք, երբ կինն է մայրամուտում ծանոթությունը, կամ սիրո ու ընտանիք կազմելու գաղափարը:

- Նախ ասեմք, որ համարյա ինքն էլ թագավորի աղջիկ էր, գիտե՞ր՝ տոհմական թագավորությունն ինչ է, և նա դա արեց այն ժամանակ, երբ Դավիթը Մարա Մելիքին հաղթել էր: Դավիթը երկիր պահողի, զինվորի, դյուցազնի կերպար է: Դա արվեց այն ժամանակ, երբ նա ծառայություն ուներ երկրի, հայրենիքի առաջ, այսինքն՝ արժանի էր դրան: Այս դեպքում՝ իհարկե:

- Ինչպե՞ս են մայրում, եթե մեր օրերում աղջիկն առաջինը խոստովանի իր զգացմունքների կամ սիրո մասին:

- Կարծում եմ՝ դրանում ոչ մի վատ բան չկա, ճիշտ է, ավանդական ինչ-որ բաներ խախտվում են, բայց դա այն

դեպքը չէ, որից կործանում է գալիս: Ի՞նչ է պատահել որ, այո, կարելի է:

- Այսօր շատ է խոսվում գեներալային խտրականության, ֆեմինիզմի, կնոջ և տղամարդու իրավահավասարության մասին: Ինչի՞ց կուզե՞նայիք զերծ պահել հայուհուն և հայ ընտանիքը:

- Ես կարծում եմ՝ այդ ֆեմինիզմը, գեներալային հավասարությունը և այլն, մեզ համար չեն, բայց միաժամանակ գիտեմ, որ ամեն ինչ հարթ չէ մեր իրականության մեջ: Բնությունից այնպես է տրված, որ կինն ավելի թույլ է, տղամարդը՝ ավելի ուժեղ: Երբեք բնությանը դեմ գնալ պետք չէ: Կնոջը պիտի հարգել որպես թույլ էակի: Մեզ մոտ հիմնական խնդիրն այն է, որ տղամարդը պիտի կնոջը հարգի: Երբ նա կնոջը հարգում է, չեմ կարծում, թե այդ դեպքում չարաշահումներ կլինեն: Իրեն հարգող որևէ տղամարդ կնոջ վրա ձեռք չի բարձրացնի, կնոջ իրավունքները չի ճնշի: Հարգանքի խնդիր կա հայ ընտանիքներում, մնացած ամեն ինչը բխում է սրանից:

- Կա՞ կնոջ կերպար, որ Ձեզ ոգևորել է, ներշնչանքի աղբյուր է Ձեզ համար:

- Այո, իհարկե: Դա հայոց Աստվածաշնչի՝ «Սասունցի Դավիթ»-ի մեջ համարյա խաթունի կերպարն է, Դեղծուն Ծամի կերպարն է, շատ մեծ կերպարներ են, որոնք մեզ ուսուցանում են, և որոնց հետևից հայ կինը պիտի կարողանա գնալ: Երբ Դավիթը գալիս է հանդուրժիմ ուզելու, հոր այգում համարյա քաղաքակրթություն է Դավիթին՝ իրեն համբուրելու համար: Դավիթի քիթ-բերանից արյուն է հոսում, և նա խռովում է, ձին հեծնում ու գնում է: Մեկ էլ արևամուտին հետ է նայում, տեսնում՝ համարյա ըստաբարիկ գնում է իր հետևից՝ ասելով. «Ուր էլ գնաս, ես գալու եմ քո հետևից»: Սա է ինձ ոգևորողը, ինձ համար հետաքրքիրը. կնոջ կերպար, որ տղամարդուն տեսել էր, որ գիտի՝ գորությունը տղամարդու մեջ է, որ հայրենիքը պահելու ուժը տղամարդու մեջ է, և չի լքում նրան:

- Իսկ Ձեր գերդաստանի կանանցից ո՞ւմ կառանձնացնե՞ք:

- Մերոնք տոհմիկ էրզրումցիներ են և այդ սև գաղթի արդյունքում եկել ու վերաբնակվել են Ջավախքում: Նման դեպքերում տոհմիկ սովորույթները պահվում էին: Շատ հետաքրքիր էր Հայկուշ տատիկ կերպարը, որ մեզ դաստիարակում էր իր իմացած ձևով, իր հեքիաթներով: Նրա դաստիարա-

կության, նրա հեքիաթների մեջ միշտ ներկա էր հայրենիքի կերպարը, ամեն ինչ դրա շուրջն էր կառուցում՝ հեքիաթն էլ, կենցաղն էլ, հողի հետ հարաբերվելն էլ:

- Ի՞նչն են ամհամատեղելի համարում հայուհու կերպարի հետ:

- Ինձ միշտ ցավ է պատճառել դավաճանությունը. ընտանիքում միշտ էլ եղավ ճանաչողությունն անընդունելի է եղել՝ ինչպե՞ս և ի՞նչ շեշտադրությամբ ուզում եք հասկացեք: Երբեք ես չեմ ներել նաև մեր իշխանություններին. երբ ես լսում եմ, որ հայ կինը թուրքիայում է, հայ կինը մեր՝ համար մեկ թշնամու դուռը գնում է աշխատելու: Ես չեմ ներում դա, չգիտեմ՝ լավ է, վատ է... Ես չեմ ներում, երբ հայ կինը գնում է արաբական աշխարհներ՝ փող վաստակելու, ընտանիք պահելու: Սա ամենամաթախարեղի բանն է մեզ համար, մեր իշխանությունների համար: Ես չեմ ներում, երբ տեսնում եմ՝ հայ կինը սրճարաններում մատուցողուհի է: Նա մեր մայրական գեներացիան է, ինչպե՞ս կարելի է ամբողջ 18 ժամ թողնենք, որ մեր կինը սրճարաններում մատուցող աշխատի, երբ նա պիտի պատրաստվի երեխա ունենալու: Չեմ ներում, և անընդունելի է ինձ համար:

- Ինչպիսի՞ն կուզե՞նայիք տեսնել 21-րդ դարի հայուհուն:

- Կուզե՞նայի տեսնել ուժեղ, խնդալից աչքերով, հավասար՝ իր տղամարդու և իր երկրի հանդեպ, պատրաստ՝ ծաղկեցնելու օջախը:

- Ձեր ստեղծագործություններում պատկերված կանանցից ո՞ւմ մեջ փնտրել կնոջ Ձեր իդեալը:

- Եվ պատմվածքներում, և՛ վեպերում, և՛ հեքիաթների մեջ, բոլոր գործերում եղած կերպարների մեջ որված է իմ հավատի կինը, իմ պատկերացրած կնոջ կերպարը: Նրան մեկի մեջ չպետք է փնտրել, բոլորի մեջ կա: Ես աշխատել եմ միշտ ուժեղ կին ստեղծել՝ իր ուժով, իր հավատով, թեկուզ ինքը թույլ է, բայց իր ուժով ու հավատով՝ տղամարդուն հավասար: Այսինքն՝ հավասար՝ փորձաքննի դեմ գնացող, հավասար՝ դժվարություններին դեմ գնացող, երբեք չշավաճանող իր ընտանիքին, իր հայրենիքին, իր օջախին:

- Ձեր ամենօրյա «Հայր մերը»:

- Հենց ինքը «Հայր մերն» է՝ եթե չեմ մոռանում, երբեմն տկարություն եմ ունենում և մոռանում եմ, որ պիտի այսօր աղոթեի...

Հարցազրույցը՝
Մելանյա ՄԻՆՈՒՅԱՆԻ

ՄՇԱԿՈՒԹԱՅԻՆ ՈՒՂԵՐԶ

ԱՐԺԵՔՆԵՐ, ՈՐ ԱՆԽԱԹԱՐ ԵՆ ՊԱՀՈՒՄ ԱԶԳԱՅԻՆ ԳԻՄԱԳԻԾԸ

...Մեկ ազգի պահողը, իրար միացնողը
լեզուն ա ու հավատը:
Լեզուդ փոխիր, հավատդ ուրացիր, էլ
ընչո՞վ կարես ասիլ, թե ո՞ր ազգիցն ես:
Խաչատուր Աբովյան

Աբովյանական այս ձևակերպմանը հավելենք նաև մշակույթը, որով էլ ամբողջանում է մեր ազգային դիմագիծը: Հենց մշակույթով է բնութագրվում ու առանձնանում ամեն մի ազգ: Կարծում եմ՝ մեղանչած չենք լինի ոչ ոքի դեմ, եթե խոստովանենք, որ հայ ազգը աշխարհի մասշտաբով շատ հարուստ մշակույթ է ունեցել, և օտարներն ավելի բարձր գնահատանքի խոսքերով են հաստատել դրա իրավագիտությունը:

Դարերի ընթացքում բազմիցս ասպատակությունների ենթարկված Հայոց աշխարհը կանգուն է մնացել իր ավանդույթներով, մշակութային կոթողներով, նաիրյան արքայական լեզվով ու քրիստոնեական հավատով՝ հավերժորեն շարժելով վաչկատուն ցեղերի նախանձը:

Իրականությունն այն է, որ այսօր մենք կանք մեր գոյաբանական հիմնասյունների շնորհիվ:

Ներկա աշխարհի գլոբալիզացիայի ու աշխարհաքաղաքական մեծ փոփոխությունների պայմաններում մեր գերխնդիրն է՝ պահել-պահպանել ազգայինը, այսինքն՝ այն ամենը, ինչ կենդանի է պահում ազգը:

ՀՀ-ում գործում են կառույցներ, որոնց գերնպատակը հենց այդ գաղափարի հարստությունն է հետապնդում: Նրանց գործունեության ուղիներում կազմում է ազգային գաղափարախոսությունը, մատաղ սերնդի հիշողության մեջ ազգային դիմագիծը միշտ վառ պահելու միտումը:

Այդ կառույցներից մեկը «Արարատյան արժեքների կրթական հիմնադրամ»-ն է, որի համակիրների թիվն օր օրի ավելանում է, որովհետև չքաղաքականացված այս կազմակերպությունը նպատակ է հետապնդում՝ ազգային արժեքները դարձնել շատերի սեփականությունը: Նրա ձեռնարկած տարաբնույթ միջոցառումները, մրցույթները, կյանքի կոչված բոլոր ծրագրերը փաստում են նրա հետևողական պայքարի մասին՝ այդ արժեքները պահպանելու գործում:

Վերջերս Թեքեյան կենտրոնի ընդարձակ դահլիճում կայացած բազմաբովանդակ միջոցառման համար, թվում էր, դահլիճը շատ նեղ էր, քանզի հանդիսատեսի սրտին շատ մոտ ու հաճելի թեմաներ էին քննարկվում, ու մարդիկ ներկայացել էին՝ վայելելու կենսաթոքին այդ պահերը:

Տեղի էր ունենում հիմնադրամի՝ նախապես հայտարարած երկու՝ «Հայ ազգի առաքելությունը», «Իմ բանակը» խորագրերով ստեղծագործական մրցույթների մրցանակաբաշխության հանդիսավոր արարողությունը, որ համընկնում էր մեր ժողովրդի փառապանծ գավակ Անդրանիկ զորավարի ծննդյան տոնին:

Միջազգային մակարդակի վրա մեր պարծառաստիճան պաշտոնյաներ, որովհետև մրցույթի մասնակիցների զգալի մասը Արցախից էր:

Հիմնադրամի գործադիր տնօրեն Աննա Չիլինգարյանը, ողջունելով ներկաներին, շեշտեց, որ իրենց կառույցի գործունեությունը բացառապես գաղափարախոսական է և բխում է «Արարատյան պետություն» գրքի պահանջներից, ու որդեգրել են այն գաղափարախոսությունը, որ ուժեղ պետություն ունենալու համար պիտի ունենալ ու-

ժեղ արժեքներ՝ լեզուն, մշակույթը, պատմական հիշողությունը, ժառանգության պահպանությունը, հայրենիքի հանդեպ պատասխանատվությունը: Նման միջոցառումները բխում են հիմնադրամի գաղափարախոսությունից ու նրա գործունեությունից, և դրանք առաջին անգամ չեն կազմակերպվում («Արցախի վերադարձի ճանապարհը», «Իմ երկրի սահմանները»): Մրցույթներին մասնակցել են 100-ավոր մարդիկ՝ առանց տարիքային սահմանափակության, ու կազմակերպությանը հաջողվել է դրանցում վեր հանել շնորհալի երեխաների ու չափահասների: Մասնակիցներին հնարավորություն է տրվել ինքնարտահայտվելու՝ իրենց սերը առ հայրենիք դրսևորելու համար: Այդ միջոցառումները միաժամանակ նրանց համար մեծ հարթակ են նոր հնարավորությունների համար:

Օրվա առաջին մրցանակաբաշխությունը՝ «Հայ ազգի առաքելությունը» մրցույթի հետ էր կապված: Ունենալ ուժեղ պետություն, ուժեղ բանակ, կայուն տնտեսություն, ամուր սահմաններ. այս բոլոր արժեքները տեղ են գտել մասնակիցների ստեղծագործություններում, ինչն էլ շատ ուրախալի փաստ է: Այո՛, հայ ժողովուրդը, որ տեղ էր որ լինի՝ Սփյուռքում թե Հայրենիքում, եթե միասնական է և ունի ազգային տեսլական, միշտ էլ կարողանում է դիմակայել բոլոր տեսակի մարտահրավերներին: Տնօրեն Աննա Չիլինգարյանը միաժամանակ նշեց, որ մասնագետների համար դժվար է եղել որոշում կայացնելը, որովհետև աշխատանքները մեկը մյուսից լավն էին:

Այնուհետև քահանա տեր Մխիթար Հարոյանը, շնորհակալություն հայտնելով հիմնադրամի տնօրենությանը՝ իրեն ևս այդ հրաշալի միջոցառմանը մասնակից դարձնելու համար, աղոթքով սկսեց իր խոսքը, օրհնեց ներկաներին ու հիշեց մեծ Հայրուկայետի խոսքը. «Թողեք, որ ես անհաշտ մնամ թուրքի հետ» (ինքը ևս նրա համակիրն է), կոչ արեց միասնական լինել ու սիրել հայրենիքը: Թող Անդրանիկ ոգին փոխանցվի մեր բոլոր սերունդներին, ու վառ մնա նրա պատգամը, որում ասվում է, որ եթե սերունդներն ուզում են իրեն նվեր մատուցել, ապա այնպես անեն, որ Առաքելոց վանքում հնչեն հայկական ծեսեր, կնունքներ ու հարսանիքներ:

Շնորհակալություն հայտնելով մեծարգո հյուրերին, որոնք ամեն պահի իրենց կողքին են ու հավատարիմ բարեկամներ են՝ հիմնադրամի խորհրդի նախագահ Նաիրի Յոսիկյանը համառոտ անդրադարձ կատարեց ազգային գաղափարախոսությանը՝ պետության ու ազգի անցնելիք ճանապարհին ու թվարկեց նրա բաղադրիչները.

- ազգային ինքնություն
- պետության տեսլական
- հայրենիքի նկատմամբ պատասխանատվություն և արժեքներ
- ազգային շահի առաջնահերթություն
- նպատակ և առաքելություն (ինչպիսին պիտի լինի Հայաստանը 10, 40, 100 տարի հետո):

Աշխարհում գոյություն ունի ժողովուրդների երկու տեսակ՝ արարող և զոհացող: Մեր ժողովուրդն արարող է, իսկ թուրքը՝ զոհացող: Եվ որպեսզի մեր ժողովուրդը հնարավորություն ունենա հանգիստ արարելու, անհրաժեշտ են անվտանգության երաշխիքներ, որ ստեղծում է միայն ուժեղ պե-

տությունը: Իսկ թե որո՞նք են ազգային գաղափարախոսության հիմնասյունները, Նաիրի Յոսիկյանը ընդգծեց դրանց կարևորությունը:

ա/ Մովսես Խորենացի՝ մեր պատմահայրը, որ աշխարհին պարզեց մեր ինքնության երեք կարևոր հատկանիշները. ո՞վ ենք մենք, որտեղի՞ց ենք գալիս և դեպի ու՞ր ենք գնում:

բ/ Գրիգոր Նարեկացի՝ համաշխարհային նշանակության կերպար, որը 2015-ին հռչակվեց 36-րդ Տիեզերական վարդապետ ու սրբադասվեց:

գ/ Խրիմյան Հայրիկ, որ քրիստոնեությունը ավելի մոտեցրեց հայ ազգին: Ըստ նրա՝ հայ աղջիկը դեմքը բաց պիտի լինի ու կրթված: Այդ մասին նա հայտարարել է, երբ



Վանում հանդիպել է փակ դեմքով հայուհիների:

դ/ Ռաֆֆի, որը հիմք դրեց մեր ազգային-ազատագրական պայքարին՝ ստեղծելով քաղաքական մտածողություն:

ե/ Անդրանիկ զորավար՝ արդար ուժեղի այն կրողը, որը կյանքում երբեք պարտություն էր կրել: Նա ազատագրել է Բուլղարիան, Պարսկաստանի հյուսիսային շրջանները, հասել մինչև Բերձոր...

զ/ Գարեգին Նժդեհ՝ մեր ժողովրդի նվիրյալ գավակ, որի հավատամքն էր՝ «Արժանի չես հայրենիքիդ, եթե այն չես դավանում իբրև գերագույն նպատակ, իսկ անձը՝ իբրև միջոց»:

է/ Հովհաննես Թումանյան, որը մեր մշակույթը ժողովրդից քամեց-քամեց, հանեց ու հանձնեց թղթին:

ը/ «Սասնա ծռեր». էպոսը այն ազգային արժեքն է, որը լավագույնս ներկայացնում է մեր ժողովրդի դրական ու բացասական գծերը:

Այս ամենից ելնելով՝ մշակվել են ութ նպատակները՝ ուղենիշները.

- 1/ ազգային պետություն, որտեղ որոշողը թեմիկ ազգությունն է:
 - 2/ հայրենաճանաչում
 - 3/ քրիստոնեական արժեքներ (եկեղեցին է մեր պետականության պահպանողը)
 - 4/ ազգային առաջադիմական կրթություն, այսինքն՝ քաղաքացիները լինեն ազգային մարդիկ, այլ ոչ թե գլոբալիստներ:
 - 5/ նախաձեռնողականություն (բոլոր հարցերում լինել հարձակվող, ոչ թե պաշտպանվող, իսկ հարձակվել նշանակում է՝ տեր լինել իր ունեցածին)
 - 6/ արդար ուժեղի սկզբունք, որը մեզ ավանդել է Անդրանիկ զորավարը:
 - 7/ հայրենիքի ազատագրում գերությունից (Հյուսիսային Արցախ, Լեռնային Արցախ, Նախիջևան, Արևմտյան Հայաստան)
 - 8/ գալիքի եռափուլ ճանապարհ (ինչպիսին պիտի լինի Հայաստանը 10 տարի հետո, 40 տարի հետո և 100 տարի հետո).
- ա/ Գարդմանի և Արցախի վերադարձ, Արևմտյան Հայաստանի հայերի ազգային ինքնության հարց

բ/ հայկական բանակի վերագինում և հզորացում («Արարատյան արժեքների կրթական հիմնադրամը» տարիներ շարունակ իրականացնում է այդ գործընթացը)

գ/ Հայաստանն ապագայում:

Մրցանակաբաշխության ընթացքում մեկընդմեջ հնչում էին Մեծ զորավարի մարգարեական խոսքերը, պատգամները և լսվում երաժշտական համարներ՝ ազգային երգիչ Արսեն Գրիգորյանի (Մրո) և մասնակիցների կատարմամբ: Մրցանակակիրները պարզևատրվեցին հատուկ անվանակարգերով (մեր մեծերի անուններով), Գարեգին Նժդեհի «Բանտային գրառումներ» գրքով և հայրենաճանաչողական՝ «Ծովից ծով հայրենիք» խաղով, որը փոքրերին ու մեծերին սովորեցնում է ճանաչել Հայրենիքը՝ Տրապիզոնից մինչև Շուշի ու Պարտավ:

«Իմ բանակը» խորագրով մրցույթի հաղթողների մրցանակները սահմանված էին մեր անվանի ռազմական գործիչների անուններով: Նոր անվանակարգեր էին սահմանված նաև այսօր հարևան երկրի բանտերում անմարդկային պայմաններում հայտնված Արցախի ռազմաքաղաքական ղեկավարներ Ռուբեն Վարդանյանի, Լևոն Մնացականյանի և Դավիթ Բաբայանի անուններով:

«Արարատյան արժեքների կրթական հիմնադրամը» իրականացրել է մի շարք նախագծեր. ստեղծագործական մրցույթներ, հայրենաճանաչողական խաղեր, գունագրողման և գաղափարական տետրեր: Կազմել և տպագրել է Հայկազունիների թագավորական տոհմածառը, ինչպես նաև իրականացրել է հայրենաճանաչողական արշավներ: Հիմնադրամը կազմակերպել է «Հայոց Արևելից կողմեր, Գարդման. պատմություն և իրականություն» խորագրով խորհրդաժողով, որը նպատակ ուներ վերահանել Գարդմանից բռնի տեղահանված հայերի իրավունքների և ունեցվածքի պաշտպանությունը ու քայլեր ձեռնարկել նրանց անվտանգ վերադարձի համար:

Առաջիկայում հիմնադրամը նախատեսում է «1604-ի առեղծվածը» խորագրով խորհրդաժողով և Ազգային կրթական կենտրոնների բացում Հայաստանի շուրջ 77 քնակավայրերում:

Օրվա միջոցառումն այնքան հետաքրքիր էր ու բովանդակալից, որ ավարտից հետո հանդիսատեսները չէին ուզում հեռանալ: Բոլորը ջերմ շնորհակալական խոսքեր էին հնչեցնում կազմակերպիչների հասցեին:

Ամեն ինչ՝ հանուն հայրենիքի ու ազգային ինքնության, հանուն ազգային վեհ արժեքների պահպանության ու երկրի հզորացման. այս գաղափարախոսությամբ են առաջնորդվում «Արարատյան արժեքների կրթական հիմնադրամի» բոլոր աշխատակիցները:

«Հայրենիքը չի տրվում այնպես, ինչպես ժառանգվում է հայրենական հարստությունը: Դա ձեռք է բերվում ամեն մի սերնդի և նրա առանձին անդամի կողմից. ձեռք է բերվում հայրենաճանաչումով, հայրենապաշտությամբ, նրան արժանի դառնալու ձգտումով: ...Արժանի չես հայրենիքիդ, եթե այն չես դավանում իբրև գերագույն նպատակ, իսկ անձը՝ իբրև միջոց», - ասել է Գարեգին Նժդեհը:

Թող բոլորը հետևեն նժդեհյան այս իմաստուն խոսքերին, այնժամ մեր հայրենիքը կլինի հզոր ու անպարտ:

ԱՆՏԱՅ ԿԵՐՈՍՆԵՐ

ԽՈՍՏՈՒՄԻ ԵՎ ՊԱՏԱՍԽԱՆԱՏՎՈՒԹՅԱՆ ՆՇԱՆԱԿՈՒԹՅԱՄ

«Դևն իսկական առաջնորդ էր. ամեն ինչում առաջինն էր»
Կոմանդոս



Արցախի միավորումը Մայր հայրենիքին փորձվեց իրականացնել ԽՍՀՄ իշխանություններին նամակներ գրելով, սակայն երկար տարիների փորձն անցավ իզուր: 1988-ին սկսվեց Արցախյան շարժումը: Հավատում էինք՝ վերջապես մեր «հարազատ» Կենտրոնը, Գորբաչովը կիրականացնեն հայի երազանքը: Չեղավ, ընդհակառակը՝ Ադրբեջանի հայաշատ տարբեր վայրերում սկսվեցին հայության կոտորածներ: Ու արդեն ոտքի ելանք՝ զենքով ազատագրելու Ռայոց երկիրը: Կազմավորվեցին առաջին զինվորական ջոկատները: Եղան նաև անհատներ, որոնք կարողացան իրենց շուրջը համախմբել հայրենասեր քաջորդիների, որոնց հետ էլ անցան ռազմի փառավոր ուղի: 1989-90թթ. արդեն կազմավորվել էին ՀԱԲ-ը, «Անկախության բանակ»-ը, որը հետագայում դարձավ «Ազատագրական բանակ», և որի հրամանատարը 1990թ. փետրվարից Լեոնիդ Ազգալոյանն էր, «Մեծն Տիգրան» աշխարհագրային գունդը, Բերդաձորի ինքնապաշտպանության խորհուրդը և այլն: Եվ նույն ռազմական կառույցների շատ մարտիկներ Գոյամարտի առաջին տարիներին հերոսաբար նահատակվեցին ու դարձան հերոսական կերպար՝ առաջնորդ իրենց մարտական ընկերներին, հետագա մարտիկներին: Այսօր ու հետագայում մեծ հպարտությամբ ենք հիշելու Մովսես Գորգիսյանին, Թաթուլ Կրպեյանին, Կարոտ Մկրտչյանին, Սիմոն Աջիգոյանին, Մուշեղ Մխոյանին, Ջիվան Աբրահամյանին, Տիգրան Սարգսյանին, Վարդան Բախչյանին... Նույն քաջորդիների շարքում է նաև Դավիթ Սարապյանը՝ Դևը:

Կերտներ, նրա սխրանքը գնահատողներ, մտավորականներ, հյուրեր:

Երեկոն վարեց ճանաչված դերասան Արսեն Դազարյանը: Բացման խոսքը Մովսես վարդապետ Սարգսյանն սկսեց Տերունական աղոթքով: «Դավիթը դեռ պատանեկությունից գիտեր՝ հայրենիքին ծառայելը սոսկ պարտականություն չէ, այլև աստվածային շնորհ ու նվիրում: Նա զոհվել է ոչ միայն ինձ համար, այլև իմ փոխարեն: Եթե մեկը կյանք է փրկում, փրկվածը միշտ երախտապարտ է փրկողին: Ուրեմն մենք էլ երախտապարտ ենք նրանց, ովքեր իրենց կյանքը տվեցին մեզ համար ու մահացան մեր փոխարեն: Որպեսզի Դավիթ Սարապյանի կերպարն ապրի մեր սերունդների մեջ, հակառակ բոլոր հակասություններին, պետք է սիրենք մեր հայրենիքը, սիրենք մեր եկեղեցին, պահենք մեր հավատն ու ազգային արժեքները»,- իր խոսքում նշեց հոգևոր հայրը:

Ընթացքում եղան ելույթներ հերոսի ուսուցիչների, մարտական ընկերների, կենսագիրների կողմից: Հնչեց դպրոցի օրհներգը՝ Մերի Կարապետյանի խոսքերով, երիտասարդ երգահան Արման Ամալյանի երաժշտությամբ:

Արցախի սուրբ հողում, Կարինի երազը սրտում՝ Ուխտեցիր Երկիր կերտել Արևի տակ կանգուն: Մենք քո սաներն ենք, Դավիթ, Նույն երազը սրտում, Քո պատգամն ենք կրելու Մեր ուղիներում: Մենք քո գործն ենք, Դավիթ, Տանելու առաջ՝ Մի բռունցք դարձած Մեր վճիռներում:

Տուգադրվեցին նաև հատվածներ Ցվետանա Պասկալայի նկարահանած «Նվիրյալները»՝ Դևի մասին ֆիլմից: Ներկայացվեց նաև հերոսի գրական ժառանգությունը: Եկրանից հնչեցին Արկադի Տեր-Թադևոսյանի՝ Կոմանդոսի, ՀԱԵ Արցախի թեմի նախկին առաջնորդ Պարզև սրբազանի, նվիրյալ հայ ու ազգային գործիչ, Լ. Ազգալոյանի զինվոր Գագիկ Գինոսյանի գնահատանքի խոսքերը Դավիթ Սարապյանի մասին: «Դավիթ Սարապյանը մեր հաղթանակի սյուններից է, մեր ազգի տաճարի անկյունաքարերից մեկը: Դեռ կարող էր շատ հաղթանակների հասնել, շատ բարձունքներ նվաճել, բայց, ավա՜ղ: Նրա հերոսական մահն ավելի բարձրացրեց Դավիթի լուսավոր կերպարը, որ կրում են իմ մեջ...», -ասել է Պարզև սրբազանը: Կոմանդոսը Դավիթի մասին ասել է. «Դավիթն արտակարգ անձնավորություն էր, արիության ու բարոյականության չափանիշ: Դևն իմ ամենավաղ հրամանատարն էր: Նա օժտված էր ռազմական բնատուր տաղանդով և գերազանց էր ամեն ինչում. կատարելապես տիրապետում էր զենքին, մշակում էր ռազմավարական գործողությունների պլանները և ինքն էլ դրանք փայլուն կերպով իրագործում...»: Ֆիլմում Արցախի թեմի սպասավոր, Գանձասարի վանքի հոգևոր հովիվ, երջանկահիշա-

տակ Արժանապատիվ Տ. Գրիգոր քահանա Մարկոսյանը Դևի մասին ասում է. «Դավիթի հետ հաճախ էի հանդիպում: Նա շատ մաքուր տղա էր: Նրա արյուն մեջ էր մաքրությունը, նաև հերոսությունը: Նա ի ծնե ազնվական էր, մտավորական...»:

Երեկոյին համահունչ երգերով հանդես եկան երգիչներ Շուշան Պետրոսյանը, Աննաի հերոս Վարդան Ամալյանի ծնողները՝ Արմինե և Դավիթ Ամալյանները, Արսեն Գրիգորյանը: Շ. Պետրոսյանի հնչեցրած «Արցախ» երգը շատերին ստիպեց արտասվել:

Ձոն Կիրակոսյանի անվան դպրոցի տնօրեն Քրիստինե Դումանյանը ներկայացրեց Դավիթին, որը եղել է բազմաշնորհ դպրոցական: Նույն դպրոցի սաների ելույթները Դավիթի կյանքի և ստեղծագործության յուրովի հնչող գնահատականներ էին: Երեխաները համոզիաստեսին հուզեցին հատկապես Դավիթի բանաստեղծությունների ինքնատիպ մեկնություններով: Մեր ժողովրդի կողմից սիրված «Թռչեի մտքով տուն» երգը հնչեց դպրոցական Դենիս Վարդանյանի կողմից և ընդունվեց ոգևորությամբ: «Մայրիկ» երգի հիանալի կատարումով հանդես եկավ նաև դպրոցի շրջանավարտ, ԵՊՀ ուսանողուհի Էլեն-Մարի Հարությունյանը: Դավիթի մասին խոսք ասաց նաև դերասան Գոռ Գրիգորյան-Գլուճկը: Դավիթի կենսագիր Էվելինա Մելքունյանն իր խոսքում ասաց. «Դավիթի հիշատակը վառ պահելու, նրա թողած գրական ժառանգությունը հայալեզու ընթերցողներին և ներկայացնելու նպատակով 2019թ. հրատարակվեց իմ հեղինակած «Մեր օրերի Դավիթը» հայերեն մտք գիրքը: Նույն թվին լույս տեսավ նաև երկրորդ գիրքը, որը ռուսերեն բնագրից հայերեն թարգմանությամբ ներկայացնում է Դավիթ Սարապյանի գրական ստեղծագործությունները՝ «Երեք հայրուր վայրկյան» կինոսցենար-վիպակը, պատմվածքներ և համակարգչային խաղի համար գրված «Վարագրատ արքա» սցենարը: Այն ռուսերենից հայերեն է թարգմանել և մասնագիտական նախաբանով ընթերցողին ներկայացրել գրականագետ Մերի Կարապետյանը»:

1996 թ. Ձոն Կիրակոսյանի անվան դպրոցում բացվել է Դավիթ Սարապյանի նվիրված դասարան և թանգարան: Այս գործում մեծ է մասնակարծների դերը, որոնցից հիշատակելի են դպրոցի այն ժամանակվա տնօրեն, երջանկահիշատակ Նարինե Հովհաննիսյանի, Դավիթ Սարապյանի աշակերտական տարիների դասուղեկ, ապա՝ նրա ամուսնով հետմահու անվանակոչված դասարանի առաջին դասուղեկ Ռիմա Դանիելյանի, նախկին տնօրեն Անահիտ Խոսրովյանի, հայոց լեզվի և գրականության ուսուցչուհի Ռիմա Կարապետյանի, դպրոցի հատուկ մանկավարժ, նախկին փոխտնօրեն Արմինե Բաբայանի, հայոց լեզվի և գրականության ուսուցչուհի Իզաբելա Աբրահամյանի անունները: Նրանց երախտալի գործն այսօր շարունակում են Ձոն Կիրակոսյանի անվան դպրոցի ներկայիս տնօրեն Քրիստինե Դումանյանը և Դա-

վիթ Սարապյանի անվան դասարանի դասուղեկ Տաթևիկ Սևոյանը:

Երեկոն ամփոփեց «Հայ Ձմեռ պապ» բարեգործական հիմնադրամի տնօրեն Արմինե Պետրոսյանը. «Մեր նախածեռնությունը մեծապես կարևորում է երիտասարդների հետ աշխատանքը: Դավիթի սովորած թիվ 20 դպրոցը 1990-ականներից հաստատված ավանդույթներ ունի: Բայց մենք երազում էինք նաև նրա անվանակիր դպրոցի մասին: 2019-ին Կոմիտասի թանգարան-ինստիտուտում կայացած գրքերի շնորհանդեսի ժամանակ մենք դիմեցինք միջոցառմանը ներկա, այն ժամանակ Աժ պատգամավոր Սոֆյա Հովսեփյանին՝ առաջարկելով դիտարկել Երևանի դպրոցներից մեկը Դավիթ Սարապյանի անունով անվանակոչելու հարցը»: 2020թ. սկզբից եղավ Քովիդը, այնուհետև 44-օրյա պատերազմը, այլ դժվարություններ: Բայց Սոֆյա Հովսեփյանի, Էռնեստ Ավանեսովի, նախածեռնության մյուս անդամների և թիվ 100 դպրոցի տնօրեն Անուշ Աբելյանի համատեղ ջանքով Դավիթ Սարապյանի անվան դպրոց ունենալու իր իրավունքը 2021թ. իրականություն դարձավ: Ավելին՝ արդեն Դավիթ Սարապյանի անունը կրող դպրոցի և «Մեծն Տիգրան» ջոկատի համատեղ ուժերով մարմին առավ ևս մեկ երազանք՝ դպրոցի բակում տեղադրվեց հերոսի կիսանդրին, որի քանդակագործը նրա մարտական ընկեր, ազատամարտիկ Աղվան Մխիթարյանն է:

Դավիթ Սարապյանը ծնվել է Երևանում 1966թ. փետրվարի 4-ին: Հայրը՝ Էդուարդ Սարապյանը, Երևանի գլխավոր ճարտարապետն էր, մայրը՝ Էմմա Սարապյանը, ակադեմիկոս գիտնական: 1984թ. մայիսին Դավիթը գորակոչվել է խորհրդային բանակ, ծառայել Բայկոնուրի զորամասում, ապա՝ Խմելցիցլու մարզում: 1985թ. հոկտեմբերին նրան դատապարտել են 4 տարվա ազատազրկման՝ ազգամիջյան կոնֆլիկտի համար: Բանտից դուրս գալուց հետո աշխատել է որպես ռեժիսոր, գրել «300 վայրկյան» վիպակը: Արցախյան գոյամարտի առաջին մասնակիցներից է՝ Լեոնիդ Ազգալոյանի հոգեգավակը: Ֆիզիկոս, սակայն ճանաչված հրամանատար Լեոնիդ Ազգալոյանը եղել է Դավիթի ծնողների ընկերներից, մանկուց ծանաչել է Դավիթին, սովորեցրել լողալ, մարզվել, տվել է խորհուրդներ: Քաջորդին սկզբում ծառայել է Լեոնիդ Ազգալոյանի «Անկախության բանակի» շարքերում, ապա միացել «Մեծն Տիգրան» աշխարհագրային զնդին: Հերոսաբար զոհվել է 1991թ. դեկտեմբերի 10-ին Շահումյանի շրջանի Թողան գյուղի համար մղվող մարտում:

Մոնթեն նույնպես ծանաչել է Դավիթին, եղել են մտերիմ և նրա մասին գրել է. «Ես նրան շատ սիրեցի: Դավիթը միշտ մտքիս մեջ է, և ես համոզված եմ, որ եթե յուրաքանչյուր ազատամարտիկ ունենա գոնե մեկ տոկոս Դավիթի հայրենասիրությունից, մենք շատ շուտով կազատագրենք Արևմտյան Հայաստանը»:

Դև մականունը նրան տվել է մարտական ընկեր Սեյրան Գրիգորյանը՝ տեսնելով ընկերոջ չափազանց անվախ ու դիվային գոյությունը: Մինչև հերոսական նահատակությունը, Դևը բազում քաջագործություններ է կատարել, հաճախ՝ միայնակ: Այս առումով նշանավոր է Արցախի Դիզակի երբեմնի մելիքանիստ Տող գյուղի ազատագրումը: Խորհրդային տարիներին գյուղում նաև աղբբեջանցիներ էին բնակվում, և նրանց անվտանգությունն ապահովելու համար գյուղ էին բերել խորհրդային զինվորների ու աղբբեջանական ՕՍՕՆ-ականների, որոնք միասին մեծ աղետ էին հայտնաբերում: Տողը եղել է Դավիթի մոր ծննդավայրը, այստեղ էր պապի տունը, և նա մանկության տարիներին շատ էր եղել գյուղում, ծանոթ էր շատերի հետ: 1991թ. հոկտեմբերի 17-ին թուրք ՕՍՕՆ-ականները գնդակահարել էին գյուղի Դանիելյանների ընտանիքի 5 անդամի: Այդ օրերին Կոմանդոսի գլխավորությամբ իրականացվում է Տողի ազատագրումը: Սկզբում Դավիթը միայնակ մոտեցել էր այն շենքին, որտեղ ՕՍՕՆ-ականները թեֆ էին արել: Նախ անխոս վերացրել էր 2 ժամապահի: Ապա կանգնել էր նրանց հրամանատարին ու մտիկ նմանակներով լի պայուսակը նետել նրա կողմը՝ ռուսերեն ասելով՝ բռնիր: Թուրքը բռնել էր պայուսակը, և հզոր պայթյունից տունը փլվել էր, իսկ ներսում եղած ասլյարները մնացել էին փլատակների տակ: Նույն օրը պայթեցրել էր մեկ այլ տուն և, որը թուրքերը կառուցել էին հայոց գերեզմանոցի տապանաքարերով: Եվ դրանից հետո սկսվում է մեր տղերքի հարձակումը: 1991թ. հոկտեմբերի 30-ին Տողը մաքրվում է թուրքերից: Այդ հերոսությունից հետո վերադառնում է Երևան և հպարտորեն մորն ասում. «Քո հարազատ գյուղն ազատագրված է, հիմա էլ պետք է ազատագրենք հայրիկի հարազատ քաղաքը՝ Երզրումը»: Մայրը համբուրել է որդուն՝ ասելով դու իսկական Դանիել Բեկի և Պողոս Բեկի թոռն ես... Այսպիսի է եղել Դավիթը, որին նրա մարտական ընկեր ու մտերիմ, ազգային հերոս Ջիվան Աբրահամյանը համեմատել է Դավիթ Բեկի հետ: Ինչպես Լեոնիդ Ազգալոյանն էր ասում, որ ինքը կընկնի Ստամբուլի պատերի տակ, բայց նահատակվեց Տոնաշենում՝ թաքստոցից հնչած կրակոցից, այդպես էլ Դևն ընկավ Թողանն ազատագրելուց հետո թաքնված թուրքի կրակոցից 1991թ. դեկտեմբերի 10-ին: Այս առթիվ Գագիկ Գինոսյանը Դևի մասին ասում է. «...Վստահ եմ, որ նա կազատագրեր ոչ միայն Կարինը (երզրումը), եթե նրա տեսակն այդքան հանդուգն ու խենթ չլիներ...»: Նույն օրը նահատակվեցին նաև նրա մարտական ընկերներ Համլետ Մինասյանը, Կամո Հովհաննիսյանը, Մերուժան Սարգսյանը և Արայիկ Գյուլեջյանը: Եռաբլուրում է Դևը հուղարկավորված՝ հավերժ մնալով 26 տարեկան և փառապանծ հերոս:

ՀԱՅ ԿՐԻՃԱՌՈՒՆԵՐ

ՆԱ ՄԱՐԴԱՍՊԱՆ ՉԵՐ

Ազգային պարծանք, հպարտություն, հերոս ու ազգի պատիվ պահող կերպար է Սողոմոն Թեհլերյանը՝ 105 տարի առաջ իրականացրած գործողությամբ: Հայոց Մեծ եղեռնից հետո երիտթուրքերից շատերը, որոնք նախաձեռնել էին ու իրականացրին մեծ ոճիրը, փախել էին Թուրքիայից: 1919թ. գունարվեց Թուրքիայի զինվորական դատարանի նիստ, և հեռակա մահվան դատապարտվեցին Հայոց Ցեղասպանության զխավոր կազմակերպիչները, բայց... Պարզ է՝ ձևակապություն էր հեռակա դատավարությունը, և դատարանի վճիռը պետք է կատարվեր ցեղասպանված ժողովրդի զավակների կողմից: Հայ Յեղափոխական Դաշնակցությունը կազմակերպեց «Նեմեսիս», գործողությունը՝ հունական Նեմեսիս վրեժխնդրության աստվածուհու անունով: 1921թ. մարտի 15-ին Գերմանիայի մայրաքաղաք Բեռլինի Շառլոտենբուրգ թաղամասի Հարդենբերգ փողոցում Սողոմոն Թեհլերյանն իրականացրեց «Նեմեսիս»-ի հերթական դատավճիռը՝ գնդակահարեց երիտթուրքական «Միություն և առաջադիմություն» կուսակցության պարագլուխներից՝ 1913-1918 թթ. Օսմանյան Թուրքիայի ներքին գործերի նախարար Թալեաթին: Նույն վայրում էլ ձերբակալվում է Սողոմոնը, սակայն 1921թ. հունիսի 2-ին գերմանական դատարանն արդարացնում է նրան: Թեհլերյանին պաշտպանել են դոկտոր Թեոդոր Նիմայերը՝ օրենսդրության պրոֆեսոր Քիլի համալսարանից, Ադոլֆ ֆոն Գորդոնը՝ իրավական գաղտնի խորհրդական և Յո-



հաննես Վերթաուերը՝ իրավական խորհրդական: Շահան Նաթալին հրահանգել էր Սողոմոնին. «Կայաթեցնես զանգը թիվ մեկ ազգասպանին և չես փորձի փախչիլ, կկանգնիս տեղդ ոտքդ սատակին վրա ու կհանձնվիս ոստիկաններուն, որոնք կզան ու կծերբակալեն քեզ»:

Դատի ժամանակ դատարանի նախագահը Սողոմոնին հարցրել է. «Դուք Ձեզ ինչո՞ւ հանցավոր չեք համարում, Թեհլերյանը պատասխանել է. «Ես ինձ հանցավոր չեմ համարում, որովհետև խիղճս հանգիստ է... Դեպքից մոտ երկու շաբաթ առաջ ինձ շատ վատ էի զգում, ջարդերի պատկերներն աչքերիս առաջ էին: Մորս դիակը տեսա: Այդ դիակը ոտքի ելավ, կանգնեց առջևս և սասց ինձ՝ դու տեսար, որ Թալեաթն այստեղ է, ու անտարբեր ես մնում: Հասնվարձ արթնացա և որոշեցի այդ մարդուն սպանել»:

Այս հերոսական գործողության

105-ամյակի առթիվ Երևանում՝ Աջափնյակ թաղամասում, որտեղ կանգուն է Թեհլերյանի կիսանդրին, կայացավ ծաղիկների խոնարհում ու ոգեկոչում:

Սողոմոն Թեհլերյանը ծնվել է 1896թ. Արևմտյան Հայաստանի Երզնկայի գավառի Բազառի բնակավայրում: Ծննդավայրում ստացել է նախնական կրթությունը, ապա ուսումը շարունակել Երզնկայի Կեդրոնական ուսումնարանում: 1912թ. ավարտել է ուսումը, մեկ տարի անց տեղափոխվել է Սերբիա: Առաջին համաշխարհային պատերազմը սկսվելուն պես վերադարձել է Հայաստան, մասնակցել կամավորական շարժմանը՝ Անդրանիկի գնդում: 1915թ. նրա ընտանիքը նույնպես ենթարկվել է ցեղասպանության:

Հուշակոթողի մոտ այցելեցին, ծաղիկսակ դրեցին ու ծաղիկներ խոնարհեցին նաև ՀՀԴ Հայաստանի երիտասարդական միության անդամները: Պ.գ.դ., պրոֆեսոր Խաչատուր Ստեփանյանն անդրադարձավ այդ գործողության պատմությանը՝ ասելով. «Սողոմոն Թեհլերյանն իրականացրեց հայ ժողովրդի պատիվը փրկելու մի գործողություն, որին բոլորն սպասում էին: Դրանից առաջ թուրքական պետությունը նախաձեռնել էր զավեշտալի մի ծրագիր՝ հայ ժողովրդին բնաջնջել իր հայրենիքում: Եվ Առաջին համաշխարհային պատերազմի ընթացքում հայ ժողովուրդը չկարողացավ պատշաճ դիմադրություն ցույց տալ...»: Թուրքիայից դուրս տարբեր երկրներում իրենց հանգիստը վայելող թուրք դահիճներին

պատժելու գործողության կատարման որոշումը կայացվել է 1919թ. Երևանում՝ Հայ Յեղափոխական Դաշնակցության IX ընդհանուր ժողովում: Մասնավորապես, որոշում է ընդունվել ի կատար ածել երիտթուրք («Միություն և Առաջադիմություն» կուսակցություն) պարագլուխների նկատմամբ դատավճիռը: Նշվել է Ցեղասպանության հանցագործների 650 անուն, որոնցից առանձնացվել են 41 զխավոր հանցագործները: Թալեաթի անունը ցանկում առաջին համարի տակ էր գտնվում: «Նեմեսիս» գործողությունն իրականացնելու համար ստեղծված պատասխանատու մարմինը ղեկավարել են ԱՄՆ-ում Հայաստանի ներկայացուցիչ Արմեն Գարոն և հատուկ ֆոնդի ղեկավար Ահարոն Սաչազյանը: Գործողության օպերատիվ ղեկավարությունն ու նյութական ապահովումն իրագործում էին Շահան Նաթալին և Գրիգոր Մերջանովը: Խ. Ստեփանյանը նշեց նաև. «Սողոմոնը միակն էր, որ փրկվել էր Եղեռնից գոհ գնացած իր ընտանիքից և իր կատարած ակտով փրկեց ոչ միայն իր ընտանիքի, այլև հայ ժողովրդի հավաքական վրեժը...», նա փրկել է հայ ժողովրդի հավաքական պատիվը»: Այս առումով տեղին է հիշել նաև հայ ժողովրդի բարեկամ, գերմանացի գրող և հասարակական գործիչ Արմին Թեոֆիլ Վեգների խոսքը. «Այդ պահին, երբ ամբաստանյալը (Սողոմոն Թեհլերյանը) փողոց իջավ և ատրճանակն ուղղեց իր գոհի դեմ ..., այդ ինքը չէր, որ փողոց էր իջնում, նրա միջով իջնում էին դարերը, միլիոնավոր սպան-

վածները: Կարելի է ասել, որ նա իր առջևից տանում էր իր ամբողջ ժողովրդի պատվի դրոշը, դրոշը խոշտանգվածների, դրոշն իր սպանված ընտանիքի...»:

ՀՀԴ Երևանի քաղաքային կոմիտեի երիտասարդ ներկայացուցիչը 105 տարի առաջ իրականացված գործողության առթիվ ասաց. «Սողոմոն Թեհլերյանի անենակարևոր դասը իր քայլով և առհասարակ «Նեմեսիս» գործողությունն այն են, որ ցույց տրվեց աշխարհին ու Թուրքիային՝ մեր թշնամուն, հայ ժողովրդի պայքարի ոգին չի մահացել»:

Ռազմական կինոռեժիսոր Սամվել Թադևոսյանն իր խոսքում կարևորեց այն, որ Սողոմոն Թեհլերյանի խորհուրդը հավերժական է: Անդրադառնալով Ս. Թեհլերյանի կերպարին մշակույթում՝ ասաց. «Վերջերս ավարտել են «Նեմեսիսը մշակույթում» ֆիլմը, որը խորհրդանշում է Նեմեսիսը երեկ, այսօր և վաղը: «Ազգային արժանապատվություն ասպետներին». աղբյուր-հուշակոթողի վրա գրված են վրիժառուների անունները: Կան նաև սյուներ, որոնց վրա անուններ չկան: Դա վաղվա և այսօրվա շնորհալիների համար է թողնված: Մշակույթը նույնպես զենքի տեսակ է: Շատ են դեպքերը, որ արվեստի մի խոշոր գործ հավասար է դիվանագիտական մի ամբողջ խմբի արածի»:

Զրույցների ընթացքում անդրադարձ եղավ նաև «Նեմեսիս»-ի այլ քաջամարտիկների: Ս. Թեհլերյանը վախճանվել է 1960թ. մայիսի 23-ին ԱՄՆ Սան Ֆրանցիսկո քաղաքում:

ԱԶԳԱՅԻՆ ԱՐԺԱՆԱՊԱՏՎՈՒԹՅԱՆ ԱՄՊԵՏՆԵՐԻ ՈՓՈՎ

«Կան դատեր, որոնց վճիռները չպետք է վստահել դատարաններին»
Սողոմոն Թեհլերյան

Հայոց Մեծ եղեռնից հետո եղան մի շարք վրեժառն գործողություններ, որոնց իրականացողները, հիրավի, Ազգային արժանապատվության ասպետներ են: «Նեմեսիս» ծրագրով իրագործվեցին Մեծ եղեռնի կազմակերպիչ ու սպանողներ իրականացնող դահիճների սպանությունները աշխարհի տարբեր վայրերում, և սա խոսում է այն մասին, որ գալու է նաև չարի հատուցման պահը: 105 տարի առաջ մարտի տասնհինգին Գերմանիայի մայրաքաղաք Բեռլինի Շառլոտենբուրգ թաղամասի Հայդենբուրգ փողոցում 25-ամյա Սողոմոն Թեհլերյանն սպանեց Հայոց ցեղասպանության կազմակերպիչներից մեկին՝ ամենամեծ դահիճ Թալեաթին: Իրականացրեց հայ ժողովրդի պատիվը փրկելու մի գործողություն, որին բոլորը սպասում էին: Այս գործողության առթիվ մարտի 16-ին Երևանում՝ «Ազգային արժանապատվության ասպետներ» հուշակոթող-աղբյուրի մոտ տեղի ունեցավ ծաղիկների խոնարհում: Միջոցառումը կազմակերպել էր Համահայկական



Հասարակական Դաշինքը(ՀՀԴ): Հուշարձանի մոտ «Նեմեսիս» ծրագրի մասին խոսեց ՀՀԴ համահիմնադիր Թաթուլ Մանասերյանը:

Ասաց՝ «Նեմեսիս» գործողությունը պատվաբեր առիթ էր հայրենիքի համար: Թալեաթին սպանելու համար վիճակահանությամբ ընտրվել է Սողոմոնը: Իհարկե, նույն ցուցակում եղել են այլք, բայց, ինչպես երգում է հնչում՝ «Թեհլերյանի բախտը բացվեց...»: Թ. Մանասերյանը կարևորեց այն, որ 105 տարի անց էլ չմոռանանք այս հերոսների մասին, որոնք իրականացրին նման գործողություններ:

Միջոցառմանը ներկա էին նաև այլ կառույցների ներկայացուցիչներ, որոնք համագործակցում են ՀՀԴ-ի հետ: Հուշակոթողի վրա գրված է բոլոր վրիժառուների, այդ թվում՝ 1894թ. ծնված Արտաշես Գևորգյանի անունը: Նա 1922թ. հուլիսի 21-ին Թիֆլիսում ընկերների՝ Պետրոս Տեր-Պետրոսյանի և Ստեփան Ծաղիկյանի հետ սպանել է Օսմանյան կայսրության ռազմածովային նախարար, Մեծ եղեռնի զխավոր հանցագործներից մեկին՝ Ջեմալ փաշային: Ստալինյան բռնատիրության տարիներին ձերբակալվում է նաև Արտաշեսը և 1937թ. օգոստոսի 14-ին գնդակահարվում Ջեմալին սպանելու մեղադրանքով: Ինչ խոսք, դաժան է, Գերմանիայում

ճիշտ գնահատեցին Թեհլերյանի գործողությունը և ճանաչեցին անմեղ, իսկ հայրենիքում գնդակահարեցին Հայոց դահիճին սպանողին: Իհարկե, հետագայում արդարացվեց Արտաշեսը, բայց...
ՀՀԴ կառույցի հետ համագործակցող անհատներից է նաև Արտաշեսի թոռը՝ Արմեն Գևորգյանը, որն իր խոսքում շնորհավորեց ներկաներին մարտի 15-ի առթիվ: Ասաց. «Աշխարհում 3 կարևոր բան կա՝ Արժանապատվություն, Պատժի անխուսափելիություն և Արդարադատություն: Ոչ մեկը չի կարող այդ երևույթներից խուսափել...»: Անդրադարձավ նաև Թալեաթի դիվային որոշումներին՝ ոչնչացնել նաև հայ երեխաներին: Այսինքն՝ աշխարհը գործ ուներ համամարդկային դահիճ-հանցագործի հետ, որը եղել է Թուրքիայի կառավարության անդամ՝ ներքին գործերի նախարարը:

Միջոցառմանը ներկա էին իրավապաշտպան Լարիսա Ավաբերյանը, ԵՊՀ արևելագիտության ֆակուլտետի նախկին ղեկան Գուրգեն Մելիքյանը, նախկին զինվորականներ, քաղաքական գործիչներ:

ԱՏԵՂՆԱԿԱՆ

ԲԱԶՄԱՏԱՂԱՆԴ ԱՐՅԱՆՑԻՆ ԶԻ ԹԵՎԱԹԱՓՎՈՒՄ




ինքն իրեն մարտիկ դաստիարակի՝ իր եւ Արցախի պաշտպան: Մասնակցեց «Զարնիցա» եւ «Օրլյոնոկ» մանկապատանեկան ռազմամարզական խաղերի: Նրա թիմը՝ շնորհիվ Արամի, ուժի, ճարպկության, սպորտային վարպետության դարձավ ուժեղագույնը տարածաշրջանում: 1985 թվականին Արամը գորակոչվեց խորհրդային բ ա մ կ : Զենց այստեղ նրան

Արցախի հոգեւոր կենտրոն եւ քրիստոնեական սրբավայր՝ Գանձասար այցելած շատ-շատերը տեսել են Վանք գյուղի մոտակայքում գտնվող հայտնի քարե առյուծը, որը փորագրված է անմիջապես ժայռի մեջ: Քարե առյուծի հեղինակը Արամ Ավագյանն է, որի մասին պատմելու համար մեկ հոդվածը թերեւս չբավականացնի, բայց նրա հայրենասեր ու բազմատաղանդ էությանը մեր ընթերցողներին ծանոթացնելու հնարավորությունը բաց չենք թողնի:

Ծնվել է Ստեփանակերտում 1967թ. հունիսի 8-ին: Վաղ մանկությունն անցել է Ասկերանի շրջանի Ռե գյուղում՝ տատի մոտ, որտեղ էլ նա սովորել է սիրել իր երկիրը, գնահատել Արցախի գեղեցկությունը: Սովորել է Ստեփանակերտի հ.10 միջնակարգ դպրոցում: Նա հեշտությամբ էր յուրացնում բոլոր առարկաները, բայց ամե-

առաջին անգամ վիճակվեց բացատրել մարդկանց, որ Արցախը հայկական հող է: Նա տեսնում էր ու հասկանում, որ Արցախը չէր կարող մնալ Ադրբեջանի կազմում: 1987-ին Արամը վերադարձավ Ստեփանակերտ: Նա ցանկանում էր ստեղծագործել եւ ընտրեց լուսանկարչի մասնագիտությունը: Բուհ ընդունվեց, սակայն արդեն մեկ տարի անց՝ 88-ին հասկացավ, որ իրեն այլ



խաների եւ թռչների կյանքը փրկելու համար նա ստիպված է եղել հեռանալ, ինչպես ամբողջ Արցախի բնակչությունը: Արցախը լքել է իր մեքենայով՝ ընտանիքի հետ: Իր հետ վերցրել է ընտանեկան ավբոմներն ու լուսանկարները, բայց բոլոր մրցանակները թողել տանը:

Բռնատեղահանվելուց հետո նա տեղափոխվել է Զայաստան, ներկայումս ապրում է Շիրակում՝ Գյումրիում, որտեղ շարունակում է ստեղծագործել՝ երբեք չկորցնելով կապը անցյալի հետ:



նից շատ սիրում էր ստեղծագործել, թղթի վրա կամ քանդակներով արտացոլել իր երկրի գեղեցկությունը: Նաեւ հիանալի մարզիկ էր: Դպրոցական տարիներին պարապել է թեթեւ աթլետիկա, մասնակցել է մրցաշարերի եւ հաղթել: Զետագայում ավագ եղբորից կարատե մարտարվեստ է սովորել եւ վարպետացել մարտարվեստներում: Զեռնամարտում էլ ուժեղ էր:

Ինչպես նրա հասակակից շատ տղաներ, Արամը հասկանում էր, որ պետք է

ճանապարհ է սպասվում՝ պայքար հանում Արցախի ազատության: Իր կողմից բացված նկարչատան գործունեությունը ստիպված է լինում դադարեցնել, երբ սկսվում է 88-ի շարժումը:

Ինքնապաշտպանության առաջին ջոկատներից մեկի հրամանատար, «Ուրագան» ջոկատի եւ 10-րդ վաշտի մարտիկ, ԿՊՇ հետախույզ, ձեռնամարտի վարպետ եւ հատուկ ստորաբաժանումների հրահանգիչ Արամ Ավագյանին շատերը ճանաչում են որպես հայրենասեր եւ քաջարի մարտիկ, որը մասնակցել է Արցախի պաշտպանության համար մղված բոլոր պատերազմներին եւ քաջաբար պայքարել հայրենիքի ազատության համար: Արամ Ավագյանը աշխարհագրորի հիմնադիրն ու հրամանատարն էր: Զայռենիքին մատուցած բացառիկ ծառայության համար պարգևատրվել է «Մարտական խաչ» 1-ին աստիճանի շքանշանով, «Դրաստամատ Կանայան» եւ «Արիության համար» մեդալներով:

Ինչպես բոլոր արցախցիները, Արամ Ավագյանը նույնպես վերապրել է Արցախի շրջափակումը, 2023 թվականին ստիպված թողել իր տունը, ծննդավայրը, գերեզմանները, իր բազմամյա աշխատանքը եւ ամենաթանկ հիշողությունները:

Արամ Ավագյանը պատմում է Արցախի, իր ընկերների եւ գործընկերների, իրականացված եւ չիրականացված երազանքների մասին, Ասկերանի շրջանի իր հայրենի Ռե գյուղը էկոտուրիզմի, հայտնի դարաբաղյան ցեղատեսակի ձիերի բուծման կենտրոնի վերածելու իր գաղափարի մասին:

Արամն ամաչում է իր նախնիների գերեզմանները լքելու համար, բայց իր երե-

Տարբեր արհեստների տիրապետող Արամի ձեռքով ամեն ինչ գալիս է, ինչպես ասում են ժողովրդի լեզվով: Նա կարողանում է գեղեցկություն գտնել բազմազան նյութերի մեջ եւ իր գաղափարները կյանքի կոչել: Նա ստեղծում է ձիերի արձանիկներ: Դա երկար եւ աշխատատար գործընթաց է: Սկզբում նա ֆիգուրները ծուլում է պլաստիլինից, ապա դրանք տեղափոխում է կարծր նյութերի վրա՝ բրոնզ, ծուլածո մարմար, կերամիկա եւ այլն: Նրա նրբագեղ ձիերը շարժման մեջ են: Յուրաքանչյուր մանրուք՝ սկսած ծածանվող բաշից մինչեւ ուժեղ, մկանուտ ոտքերը, պատրաստում է սիրով եւ ուշադրությամբ:

Արցախում նրա տաղանդավոր ձիրքն արտահայտված էր նկարչության, քանդակագործության, դիզայնի, եւ հիպոթերապիայի ոլորտներում: Գեղեցկության հանդեպ նրա կիրքը դրսևորվեց լանդշաֆտային դիզայնի եւ ճարտարապետության ուսումնասիրության մեջ, մինչդեռ գործնական միտքը թույլ տվեց նրան իրացնել իր ներուժը ինժեներական ոլորտում: Բույսերի յուղերով եւ սեփական ֆերմայի ավանակների կաթով օժառի արտադրություն էր սկսել: Արամի ավանակների կաթի համբավը, բուժիչ օժառի տեսքով, կարճ ժամանակում Արցախից դուրս էր եկել, հասել Զայաստան եւ արտերկիր:

Արամը պատմում է, որ բռնի տեղահանությունից հետո, երբ բնակություն հաստատեց Գյումրիում, ծանր հոգեկան ապրումների մեջ էր: Այն ամենը, ինչ տեսել ու ապրել են արցախցիները, հանգեցրել է առողջական խնդիրների, շատ արցախցիներ տառապում են բազմազան հիվանդություններով: Մեկ օրում նրա մազերը գրեթե ամբողջությամբ թափվեցին: Արամն օգ-

տագործեց իր սեփական մեթոդները՝ իրեն բուժելու եւ նյարդային համակարգը հավասարակշռության բերելու համար:

2006 թվականին Վանք գյուղ հերթական այցելություններից մեկի ժամանակ մերձակայքում նկատեց այն ժայռը, որը հետագայում քարե առյուծ դարձրեց: Ժայռակերտ առյուծ ստեղծելու գաղափարը դուր եկավ բարերար Լեւոն Զայրապետյանին, որի աջակցությամբ էլ կյանքի կոչվեց ժայռից առյուծ ստանալու գաղափարը: 2007-ից Արամը սկսեց աշխատել իր հայտնի ստեղծագործության՝ Վանքի առյուծի քանդակի վրա, որը խորհրդանշում էր ուժ, եւ դարձել էր ոչ միայն արցախցիների, այլեւ բազմաթիվ զբոսաշրջիկների համար Արցախի տեսարժան վայրերից ու կոթողներից մեկը:

Պատվերներ է ստանում աշխատանք կատարելու համար: Նրան խնդրել են Ախուրյանում ստեղծել օբյեկտ՝ ջրվեժով, արհեստական սահանքներով: Զետո հրավիրել են Արմվյան՝ առյուծի ժայռաքանդակ ստեղծելու՝ Վանքում պատրաստածի մասն: Նա ասում է, որ Վանքի առյուծը ուժի եւ հպարտության խորհրդանշ էր իր համար, հայրենիքն էր հիշեցնում: Բայց Արմվյանում նույն մասշտաբի ու ձևի ժայռ չկար, ինչ Արցախում, ուստի նա ստիպված էր մի քիչ տարբերվող բան ստեղծել: Իհարկե, դա նույնը չէ, ինչ բնական քարի հետ աշխատելը, ու թեւս ժայռ չկար, նա փորձեց փոխանցել նույն ուժն ու վեհությունը:

Բազմատաղանդ արցախցին՝ Արամ Ավագյանը, չի թեւաթափվում, շարունակում է ապրել ստեղծագործ կյանքով՝ ըն-



թացք տալով իր փայլուն գաղափարներին: Նա համոզված է, որ արցախցիները վերադառնալու են իրենց բնօրրանը, ապրելու եւ արարելու են Արցախի սուրբ հողում:

ՄԱՐԶԱԿԱՆ ԱՐՑԱՆ


ԱՄԵՆԱՄԵԾ ՆՊԱՏԱԿԱ ԱԶԽԱՐԿԻ ԶԵՄՊԻՈՆ ԴԱՌՆԱԼՆ Է

Դավիթ Յուսեփյանը ծնվել է 2001թ. Արցախի Շուշի քաղաքում: Ավարտել է Շուշիի Խ. Աբովյանի անվան դպրոցը: 2019թ. մտել է ՊԲ ժամկետային զինծառայության: Մասնակցել է 44-օրյա պատերազմին: Դեռ յոթ տարեկան էր, երբ հետաքրքրություն ուներ սամբո մարզածեփի հանդեպ: Շուշիից գնում էր Ստեփանակերտ մարզումների: Փոքր ժամանակ պարապում էր մարզիչ Ազատ Անդրյանի, հետո՝ մարզիչ Էռնեստ Միրզոյանի մոտ: Դավիթ Յուսեփյանը 33 բազմակի չեմպիոն է, 2019թ. սամբոյի Եվրոպայի չեմպիոն, 2019թ. սամբոյի աշխարհի առաջնության երկրորդ տեղի մրցանակակիր: 2020թ. պետք է մասնակցեր Եվրոպայի առաջնությանը, բայց Covid-ի հետ կապված սահմանափակումները խանգարեցին: Աշխարհի վրա հասավ արյունարբու պատերազմը: Դավիթը մասնակցեց պատերազմին: Ինչպես մեր բոլոր շուշեցի հայրենակիցները, Դավիթը եւս ընտանիքի հետ տեղահանվեց եւ բնակվեց Ստեփանակերտի հյուրանոցներից մեկում: Պատերազմը, տեղահանությունը չկոտրեցին քաջորդու կամքն ու ոգին: Վերականգնեց ուժերը եւ կրկին շարունակեց սպորտը՝ սրտի խորքում նպատակադրվելով հաղթել զոտեմարտերում եւ ցույց տալ արցախցու իրական հաղթական ոգին: 2021թ. դարձավ 33 չեմպիոն, որին հաջորդեց Եվրոպայի առաջնության հաղթանակը: Մարզական սամբոյի Զայաստանի մեծահասակների հավաքականի անդամ, մեծահասակների Եվրոպայի ու աշխարհի առաջնությունների բրոնզե մեդալակիր, երիտասարդների Եվրոպայի կրկնակի չեմպիոն, Աշխարհի գավաթի առաջնության փոխչեմպիոն, միջազգային կարգի սպորտի վարպետ Դավիթ Յուսեփյանը 2023-ին հազարավոր արցախցիների նման հարկադրված բռնեց զաղթի ճանապարհը ու այժմ ապրում է Երեւանում՝ վարձակալած բնակարանում: Դավիթը ցավով է խոսում, որ կորցրինք մեր դարավոր բնօրրանը, եւ երբեք չենք կարող համակերպվել այդ դաժան իրողության հետ: Մեր հարցին, թե նրան ինչպես է հաջողվում լինել հոգեպես այդքան ուժեղ՝ պատերազմի թո՛հ ու բո՛հով անցնելով, կրկնակի տեղահանության կսկիծը սրտում, բայց մնալ ցավի դեմ չնահանջող մարզիկ, պատասխանեց, որ տարիներ տեւող համառ պարապմունքները սամբոյում կոփում են մարզիկներին թե՛ ֆիզիկապես, թե՛ հոգեպես, իսկ իր սաների հա-

մար ջանք չխնայող, փորձառու մարզի խրատները նպաստում են ուժեղ մարմնում ուժեղ հոգի ունենալուն:

- Դավիթ, ինչպիսի՞ն էր 2025 թվականը Ձեր մարզական կյանքում:

- Ճիշտն ասած, անցած տարին այն-



քան էլ հաջող չստացվեց իմ մարզական կարիերայի համար: Հիմնական պատճառը վնասվածքներն էին: Կիպրոսի Լիմասոլ քաղաքում կայացած մարզական սամբոյի մեծահասակների Եվրոպայի առաջնությանը նվաճեցի բրոնզե մեդալ: Շատ լավ էի պատրաստվել այդ կարեւորագույն մրցաշարին անձնական մարզ-



չիս՝ Էռնեստ Միրզոյանի հետ միասին: Աշխատել էինք թե՛ ֆիզիկական, թե՛ տեխնիկատարիկական պատրաստվածության վրա: Հիմնական շեշտը դրել էինք հաղթանակի վրա: Մրցաշարին մեկնել էի մարտական տրամադրությամբ: Գոհ եմ իմ ելույթներից, բայց զոտեմարտի ժամանակ վնասվածք ստացա, ինչն էլ խանգարեց ինձ ու այդպես բրոնզե մեդալի արժանացա: Հանդես եմ գալիս 58 կգ քաշային կարգում: Իհարկե, յուրաքանչյուր նվաճում շատ կարեւոր է նպատակներին հասնելու ճանապարհին:

- Ո՞րն է սպորտում հաջողության հասնելու բանաձևը:

- Պետք է ունենալ նպատակ, մեծ կամքի ուժ: Անկախ ամեն ինչից՝ նպատակներին հասնելու համար պետք է միշտ անմնացորդ նվիրումով պայքարել, նշածող դնել եւ հասնել: Իսկ այդ ճանապարհին պետք է ունենալ աշխատասիրություն, կամքի ուժ եւ ամենակարեւորը՝ հավատ սեփական ուժերին:

- Սպորտում ի՞նչ խնդիրների եք բախվում:

- Հիմնականում վնասվածքներն են: 2024 թվականին Աշխարհի մեծահասակների առաջնությանը բրոնզե մեդալ եմ նվաճել Դազախստանի մայրաքաղաք Աստանայում: Այդ ժամանակ հաղթեցի նաեւ ադրբեջանցի մրցակցի: Շատ էի ուրախացել այդ հաղթանակով: Բավականին դժվար էր, քանի որ մրցաշարից ընդամենը մեկ ամիս առաջ ձեռքի արմնկային հողի լուրջ վնասվածք էի ստացել, որը խանգարում էր իմ լիարժեք մրցումներին: Բժիշկները խորհուրդ չէին տալիս մասնակցել, քանի որ վնասվածքը լուրջ էր, սակայն ես հաստատական էի, տրամադրված էի մարտական: Որոշել էի գնալ, մասնակցել ու պայքարել, նվաճել ոսկե մեդալ, բայց բրոնզե ստացվեց:

- Ձեր հիշարժան հաղթանակներից ո՞րը կառանձնացնեիք:

- 2021 թվականի մայիսին Կիպրոսի Լիմասոլ քաղաքում կայացած երիտասարդների Եվրոպայի առաջնությանը հաղթեցի ադրբեջանցի մարզիկ Նիջաթ Մամադլիին ու հռչակվեցի երիտասարդների Եվրոպայի արդեն կրկնակի չեմպիոն, քանի որ 2019-ին էլ էի հաղթել: Այդ հաղթանակը երբեք չեմ մոռանա: Հպարտության շատ զգացողություններ ունեցա:

(Մեզ հետ զրույցում Դավիթն անկեղծացավ, որ ամեն գնով ուզում էր հաղթել թուրք մրցակցին: Նրանց թիմը իրենց բնորոշ սադրիչ գործողություններ էր անում մրցման ժամանակ: Միացնում էին Շուշիի մասին երգեր: Դավիթին հայտնի էր դարձել, որ ադրբեջանցի մարզիկը ուզում էր հաղթելու դեպքում օրհներգի ժամանակ իր գոհված եղբոր նկարը ցուցադրել: Վերջինս մասնակցել էր 44-օրյա պատերազմին, իսկ եղբայրը գոհվել էր Շուշիի մատուցումներում: Իր հաղթանակով Դավիթը դա թույլ չտվեց: Ադրբեջանցի տիտղոսակիր մարզիկը ստիպված էր գլուխը կախել, երբ Զայաստանի Հանրապետության օրհներգն էր հնչում՝ ի

պատիվ Դավիթ Յուսեփյանի հաղթանակի: Մինչ եզրափակչում զոտեմարտելը՝ Դավիթը պայքարել էր կիսաեզրափակչում եւ վնասվածք էր ստացել: Առաջին մարտը մոլորվացի մարզիկի հետ էր, որը ցավեցնող հնար կիրառեց՝



նոքի վնասվածք պատճառելով Դավիթին: Մարտը դժվարությամբ էր ընթանում, այնուամենայնիվ Դավիթը հաղթեց: Երկրորդ զոտեմարտը լատվիացի մարզիկի հետ էր: Դավիթն աշխատում էր ցավը ցույց չտալ: Կարողացավ այդ մենամարտում էլ հաղթել: Երրորդ մարտը ուկրաինացի ուժեղ մարզիկի հետ էր, որը աշխարհի չեմպիոն է: Ուժեղ պայքար էր: Դա էլ հաջողվեց հաղթել ու անցնել եզրափակիչ: Եզրափակչում հանդիպեց ադրբեջանցուն, որը մույնպես երեք զոտեմարտում հաղթել էր: Սադրանքներին աշխատել էր չտրվել: Հինգ րոպե տեւող զոտեմարտում մտածել էր միայն հաղթանակի մասին՝ անտեսելով նոքի ցավը: Դժվար պայքար էր, գիտեք, որ մետում կատարել դժվար կլիներ: Մարտավարությունը նախապես մշակել էին: Գոհ էր, որ պատերազմից հետո, հայերի համար այդ ծանր վիճակում կարողացել էր հաղթել ադրբեջանցուն: Դավիթը հաղթանակը նվիրել էր 44-օրյա պատերազմում զոհված տղաների հիշատակին:)

- Ո՞րն է Ձեր ամենամեծ նպատակը:

- Ամենամեծ նպատակս աշխարհի չեմպիոն դառնալն է:

Դավիթ Յուսեփյանն այժմ գտնվում է վերականգնողական փուլում: Եթե վնասվածքներն ապաքինվեն, առաջիկայում կմասնակցի Զայաստանի առաջնությանը, իսկ եթե հաղթի, հնարավորություն կստանա մասնակցելու Եվրոպայի ու աշխարհի առաջնություններին: Մարզիկին ցանկանում ենք հաջողություն:

ՄԱՐԶԱԿԱՆ ԱՐՑԱՆ

ԴԱՎԻԹ ԽԱՉԱՏՈՒՅԱՆԻ ՄԱՐԶԱԿԱՆ ՀԱՂԹԱՆԱԿԸ՝ ԱԶԳԱՅԻՆ ՈԳՈՒ ԴՐՍԵՎՈՐՈՒՄ

Դավիթ Խաչատուրյանը ծնվել է 1997թ. մայիսի 28-ին Երեւանում: Մի քանի տարի հետո հոր՝ Շուշին ազատագրող ազգային հերոս Աշոտ Խաչատուրյանի աշխատանքի բերումով ընտանիքով տեղափոխվել է Ստեփանակերտ: Սովորել է Ստեփանակերտի 2-րդ միջնակարգ, ապա 11-րդ ավագ դպրոցներում: Ավարտել է ԱրՊՀ մանկավարժության եւ սպորտի բաժինը: Դավիթ Խաչատուրյանը 2014թ. ՀՀ մուայթայի առաջնության չեմպիոն է, սամոա ուշուկի Արցախի չեմպիոն, Հայաստանում կայացած մուայթայի միջազգային մրցաշարի փոխչեմպիոն, 2016թ. MMA-ի ՀՀ չեմպիոն: Արցախի MMA-ի ֆեդերացիայի մարզիչ Դավիթ Խաչատուրյանը 2023թ.-ից նաեւ աշխատում էր Ստեփանակերտի հ. 1 դպրոցում՝ որպես ֆիզկուլտուրայի ուսուցիչ:



Փոքր տարիքից զբաղվում էր թանքվոլորտով: Դեռ փոքր էր, երբ մայրը տարավ նրան մարզական խմբակ: Մանկությունից սեր ուներ դեպի սպորտը: Որոշ ժամանակ թանքվոլորտ պարապելուց հետո սկսեց մուայթայ պարապել: Նրան դուր էր գալիս այդ մարզածեսն իր յուրատիպ կոպտությամբ, հատկապես որ կարելի է աշխատել ութ վերջույթով: Բայց ավելի շատ նախապատվություն էր տալիս պրոֆեսիոնալ մենամարտերին: 2016-ից հետո սկսեց պրոֆեսիոնալ մարզվել խառը մենամարտեր MMA մարզածեսնով մարզիչ Գարեգին Աղաբալյանի մոտ: Խառը մենամարտերը մարտական, ոչ օլիմպիական, ֆուլկոնտակտ մարզածեսն է, որում կարելի է ուղղահայաց ու հորիզոնական դիրքերում կատարել հարվածներ ու բռնվածքներ: Դա մարտարվեստ է, որում

առկա են բռնցքամարտի, ըմբշամարտի, բրազիլական ջիու-ջիցուի, ծյուդոյի, մուայթայի եւ այլ մարտարվեստների բաղադրիչներ: Մասնակցելով մրցաշարի եւ հռչակվելով ՀՀ չեմպիոն՝ Դավիթը ցանկացավ շարունակել իր մարտարվեստը՝ որպես ուսուցիչ եւ միաժամանակ մարզական գործով զբաղվում:

Տեղահանվելուց հետո որոշ ժամանակ չէր կարողանում սպորտին պատշաճ ուշադրություն դարձնել, քանի որ առաջնային խնդիրներ կային, որոնց լուծումը հետաձգել չէր կարելի: Կատարում էր տարբեր աշխատանքներ, նույնիսկ՝ բանվորական աշխատանք, որ կարողանա հոգալ բռնի տեղահանվելուց հետո առաջացած ֆինանսական խնդիրները: Հետո աշխատանքի ընդունվեց Հերացու «Ձիմվորի տուն» վերականգնողական կենտրոնում՝ որպես հերթապահ կինեզիստ:

Մարզիչը՝ Գարեգին Աղաբալյանը, շարունակում էր մարզումները Հայաստանի խառը մենամարտերի (MMA) ֆեդերացիայում: Նրա առաջարկով արցախցի մարզիկը վերսկսեց մարզումները եւ կարճ ժամանակում պատրաստվելով՝ ներկայաց-



Նշելով Հայաստանի խառը մենամարտերի (MMA) ֆեդերացիան,

մասնակցեց Կրաստանի մայրաքաղաք Թբիլիսիում կազմակերպված GFP-1 (Georgian Fighting Promotion) կազմակերպության պրոֆեսիոնալ մենամարտերին (2024 թ. հունվարի 27): Ոգետրիչ



մենամարտի ընթացքում Դավիթ Խաչատուրյանն ապացուցեց իր գերազանցությունը եւ տակտիկական հմտությամբ հաղթեց վրացի մրցակցին՝ հռչակվելով պրոֆեսիոնալ մենամարտերի հաղթող:

Շարունակելով մարզումները՝ Դավիթ Խաչատուրյանը հերթական հաղթանակով կրկին բարձր պահեց հայկական սպորտի պատիվը՝ արժանապատիվ ներկայացնելով հայրենիքը միջազգային ռինգում:

Մարտի 28-ին Երեւանում կայացած MMA-ի «Hype Fighting-2» միջազգային մրցաշարում Դավիթ Խաչատուրյանը ցուցադրեց բարձրակարգ պատրաստվածություն, մարտական ոգի եւ կամք՝ վստահ հաղթանակ տանելով եւ բարձրացնելով Հայաստանի ու Արցախի դրոշները միասին: Նրա հաղթանակը դարձավ ոչ միայն մարզական նվաճում, այլեւ ազգային ոգու, դիմացկունության եւ հայրենասիրության վառ արտահայտում:

Դավիթ Խաչատուրյանը շնորհակալություն է հայտնում իր մարզչին՝ շարունակական աջակցման եւ նվիրված աշխատանքի համար, հատկապես երբ Արցախից բռնատեղահանվելուց հետո նա շարունակում է իր մարզական ուղին Հայաստանում:

Երախտագիտությամբ հիշատակեց բոլոր այն մարզկանց, որոնք դժվարին պայմաններում շարունակում էին կանգնած մնալ իր կողքին, հավատում էին եւ ոգեշնչում նրան նոր հաղթանակների: Ուրախ է, որ կարողացել է իր մենամարտով ցույց տալ մեր ազգային ոգին: Հատկանշական է, որ Դավիթն ու իր եղբայր Հայկ Խաչատուրյանը, որը նույնպես մարզաշխարհում հայտնի է իր մարզական ձեռքբերումներով, բազմիցս հանդես են եկել միջազգային մրցահարթակներում եւ արժանացել բարձրագույն մրցանակների՝ մրցաշարային առյուսակներում Հայաստանի անունը բարձրացնելով առաջին հորիզոնականներ:

Հայ ժողովրդի համար նման հաղթանակները միայն մարզական արդյունք չեն, այլեւ ապացույց մեր ժողովրդի անկոտորում կամքի, ազգային ինքնության պահպանման եւ հաղթանակի հավատի:

Հավատանք, որ ուշ չէ այն օրը, երբ Դավիթ Խաչատուրյանը իր հաղթանակները կնվիրի նաեւ Արցախին՝ ազատ ու անկախ հողի վրա բարձրացնելով հաղթական դրոշը հայրենի ռինգում:

Սոնյա ԱՎԱԳՅԱՆ

Կոթող

ՀԱՅՏՆՈՒԹՅՈՒՆ ՍԵՐՈՒՆԴՆԵՐԻ ՀԱՄԱՐ. ԲԱՅԱՆՈՒԿ ԳՏԱԾՈՅԻ ՑՈՒՑԱԴՐՈՒԹՅՈՒՆ

Մարտի 24-ին Հայաստանի պատմության թանգարանում (ՀՊԹ) տեղի ունեցավ «Լեռնահովիտի բացառիկ կոթողը. հայտնություն սերունդների համար» խորագրով ժամանակավոր ցուցադրության բացման հանդիսավոր արարողությունը: 2025թ. Լոռու մարզի Լեռնահովիտ համայնքում պատահաբար հայտնաբերվել է բացառիկ քանդակներով ու մշակմամբ բառանկատ կոթող, որը թվագրվում է 5-7-րդ դարերով: Այն տեղափոխվել է Հայաստանի պատմության թանգարան, որի ցուցադրության բացմանը ներկա էին թանգարանի աշխատակիցներ, ՀՀ ԳԱԱ հնագիտության և ազգագրության ինստիտուտի գիտաշխատողներ՝ տնօրեն Արսեն Բոբոխյանի գլխավորությամբ, ՀՀ ԿԳՄՍՆ «Պատմամշակութային ժառանգության գիտահետազոտական կենտրոն» ՊՈԱԿ-ի տնօրեն Խաչիկ Հարությունյանը, լրագրողներ, Լեռնահովիտ գյուղի ներկայացուցիչներ, հյուրեր: ՀՊԹ տնօրեն Դավիթ Պողոսյանը ողջունեց ներկայից, կարևորեց նորահայտ կոթողի թանգարանում ցուցադրվելը՝ որպես մեծ ձեռքբերում մեր երկրի, ժողովրդի ու թանգարանի



համար: Ներկայացրեց նաև Լոռու մարզի Լեռնահովիտ գյուղի բնակիչ Նվարդ Գալստյանին, որի տան բակում պատահաբար հայտնաբերվել էր կոթողը: Այս առումով կարևորեց մեր երկրի համայնքների բնակչությանը դերը, որ շուտ են տեղեկացնում նման գտածոների մասին, պահպանում են, մինչև մասնագետների տեղ հասնելը: «Կարելի է ասել՝ առաջին պահպանողներն նրանք են, և նման գտածոները կարևոր են մեր իրենց ու բնակավայրի, համայնքի առումով», -հավելեց Գ. Պողոսյանը:

Ն. Գալստյանը շնորհակալություն հայտնեց կոթողի ցուցադրման բացմանը հրավիրվելու համար և ուրախ է գտնված

քարն արդեն իր տեղում է և ապահով: Տեղեկացրեց՝ քառանկատ կոթողը գտնվել է, երբ իրենց տան բակում գազի խողովակի համար տրակտորով փոս են քանդել: Սկզբում մտածել է, որ սովորական քար է, բերել են բակ, որ օգտագործեն, բայց, երբ տեսել է դրա վրայի քանդակները, արդեն տեղեկացրել է մասնագետներին:

Կոթողի հիմնական առանձնահատկությունը հստակ, մանրամասն և ճշգրիտ քանդակված հորինվածքներն են՝ սուրբ զինվորը, Աստվածամայրը մանուկ Հիսուսի հետ և Քրիստոսի մկրտությունը Հորդանան գետում:

Կոթողի ինքնատիպ քրիստո-

նեական պատկերազարդությունը ներկայացրեց պեղումների ղեկավար, պ. գ. դ., պրոֆեսոր Համլետ Պետրոսյանը: Նշեց՝ կոթողի հետախուզական պեղումներն իրականացվել են 2025թ. նոյեմբերին «Պատմամշակութային արգելոց-թանգարանների և պատմական միջավայրի պահպանության ծառայություն» ՊՈԱԿ-ի և ՀՀ ԳԱԱ հնագիտության և ազգագրության ինստիտուտի կողմից: Պեղումներից հետո կոթողը տեղափոխվել է Հայաստանի պատմության թանգարան: Կարևորեց հատկապես այն, որ առաջին անգամ են վաղ քրիստոնեական ժամանակների կոթողի վրա տեսնում Սուրբ մկրտության տեսարանի քանդակ. սա եզակի երևույթ է: Կոթողի յուրաքանչյուր կողմը 28 սանտիմետր է, և այդ կողերին շատ նուրբ աշխատանք է կատարվել:

Ելույթներից հետո ներկայները թանգարանի երրորդ հարկում ծանոթացան նոր ցուցանմուշին, որը, հիրավի, մեր ժողովրդի ստեղծած մշակութային ժառանգություններից մեկն է և պատկանելու է սերունդներին:

Զոհրաբ ԸՈՔՈՅԱՆ



ԳՐԱԿԱՆ ԱՐՑԱՆ

ՏԱԳԵԱԴ

Կամո ԲԱԼԱՅԱՆ

Տազնապում են բոլորը,
Տեր իմ,
Որ արյունով է բացվում օրը,
Որ թույլերին հոշոտում
եվ կործանում է հզորը...

Որ մշուշապատ ու սևակնած են,
Երկինք ու հորիզոնը,
Եվ ոտքերի տակ տրորվում է անգորը...

Որ արարչական կերտվածքը,
Քո պատկերով ու Քո խոսքով
Ստեղծվածը,
Օր օրի դառնում է ավելի դաժան,
Եվ արնախում ու արյունառնուշտ,
Մոլորյալ ու անկուշտ...

Որ հոշոտում է տարածքների սրբազան,
Ինչպես՝ ամեհի գազան...

Կուռքերն են պատվանդանին
Երկրպագության...

Եվ ապրելը, կյանքը ողբերգություն,
Արյուն, արնահեղություն,
Մոռացվող սրբություններ և պղծություն...

Մաշվում են բևեռները,
Խախտվել են մտարները
Եվ կշիռները...

Չեն փակվում վիհերը,
Անորոշության, ապականության,
Կորուստ է
Յոգու և մարմնի վեհության...

Եվ քննություն ու փորձություն,
Մոլություն ու մոլորություն,
Նենգություն ու ազատություն,
Չեն հարաբերվում եզրերը,
Կատարյալի, ներդաշնակության,
Արարչական շինության,
Իմաստության,
Եվ մարդկային էության,
Ու բանականության...

Անորոշություն, քառս ու խառնակություն...

Ուրի՞ շը, թե մենք ենք,
Մեր ընթացքը որոշում,
Մե՞նք ենք կատարում ընտրություն,
Թե՞ օտար ուժեր են մեզ ուղղորդում,
Երբ ավելի խորն ենք խրվում մեղսալից
ճահճում...

Երկիր, շքեղ մարմինդ,
Սուզվում է թանձրացող մշուշում.
Եվ դեպի ո՞ւր է
Խելահեղ ժամանակը մեզ քշում,
Ո՞վ է մեզ վերից,
Դեպի վար քաշում...

Թերի թե անթերի,
Ժամանակը բարի թե չարի.
Չեն լսում դողանջները,
Երկրային և երկնային,
ԱՍՏՎԱԾԱՅԻՆ զանգերի...

Բացվել է գազանի ահավոր
Ու անկուշտ երախը,
Եվ հոշոտում է մարդուն վախը...

Մի կողմ է քաշվել լույսի սրբարարը,
Եվ խորանի վրա տիրում է խավարը,
Գլխավորը՝ շահն ու ավարը,
Թմրում են ժամանակն ու դարը...

Եվ ո՞րն է քո հնձածը,
Ստացածը, քո իսկ՝ ցանածը...

Ո՞րն է գերակշիռը,

Բարի՞քը,
Թե՞ չարիքը...

Չկա հաղթող.
Կործանվում է,
Եվ պաշարողը,
Եվ պաշարվողը...

Եվ մարդկային կյանքը
Դարձել է այսքան էժան,
Երբ ամեն ինչ արդեն,
Արվում է բաժան- բաժան,
Եվ չկա էլ ոչինչ սրբազան...

Ամենը թաթախված մեղքի մեջ,
Ամենը՝ նենգամիտ, անարժան,
Եվ վերանում է եղածը
Յարգանքի արժան...

Եվ ամենը վիժում է արդեն,
Ամենը տանում է կործանման...
Եվ ամենուր տիրում է առ ու փախ,
Եվ ամենը դարձել է առ ու ծախ...



Հովհաննես ԱՅՎԱԶՈՎՍԿԻ «ՔՍՈՍ»

Մեծ խաղերի մեջ մոլորվել
Եվ տարուբերվում ես այս ու այն կողմ.
Մերթ՝ աջ, մերթ՝ ձախ,
Մերթ՝ արևելք, մերթ՝ արևմուտք,
Մերթ՝ հյուսիս, մերթ՝ հարավ,
Բայց մնում ենք,
Կենարար խոսք ու մտքի՝
Արդարության և ճշմարտության
ծարավ...

Երկիր,
Վտանգված,
Դու չսանձված ու չթանքված,
Յրեղեն մտույզ,
Դրախտի դեռ չբացվող դարպաս...

Եվ պահանջը արդար,
Որ զարկվեց հզորների սրտերին քար,
Անկախության ձգտումիդ,
Անհաղորդ ու սառն...

Յաղթողը, տիրողը,
Ուժն է անարդար.
Երբ սահմանները
Գծում են սրերը,
Գերտերությունները և հզոր գահերը...

Տազնապում է պաշարել հոգիդ և մարմինդ
Քազմաչարչար
Եվ տառապյալ, լքված ու չարչար...

Եվ ամեն ինչ դարձել է դժգույն,
Ամենուր դավ է, դավադրություն,
Գաղթական, տարագիր և անտուն,
Եվ չունենք, երկիր իմ,
Խաղաղ քուն, անգամ՝ խարխուլ մի
բուն...

Փլվում է ԴՐԱՄՏԴ,
Ցնծում է՝ ԲԱՆԱՍԻՐԿՈՒՄ...
Ահագնացող մեղքերը կալանել են
ամենեցուն,
Երկիրը ողբով է լեցուն...

Տազնապում են անգամ զորականն ու
զինվորը,
Երբ մահաբեր ռումբն է ծվատում օդը,
Երկինք ու երկիր պատում է,
Վառողահոտը...

Ցնցվում ենք, լացում ու հեծեծում,
Տանջվում ու տառապում,
Ցավից քրքրվում ու տնքում,
Յամբերում, խոնարհվում, սգում,
Երբ հազարների
Մահվան բոթն ենք լսում,
Եվ լուսաբացը արյամբ է բացվում...

Բայց դեռ ելնում ենք ցավի խորքից
Եվ շտկվում ենք նորից ու նորից...

Լացում ու կծկվում ենք անզորությունից,
Մանրացել ենք ու մանրանում,
Ինքներս մեր ցավից ծանրանում,
Սարսափում ու տազնապում ենք,
Դառնանում ու ծվատվում ենք,
Յուսահատվում ենք փորձություններից,
Մերթ՝ վիատվում, մերթ՝ դիմակայում...

Մի՞ թե լքել է մեզ բարի հովիվը,
Մի՞ թե չի արձագանքի մեզ Տերը,
Մի՞ թե ցաքուցիր, լքված ու անտիրական,
Գազանի երախում կհոշոտվեն
Գառ ու ոչխարների
Անտեր հոտերը...

Տազնապում ենք և խարխափում
Խավարում,
Երբ չգիտենք,
Նորի՞ց կհայտնվենք չարի երախում,
Կլինի՞ կրկին մի նոր արյունալի բախում,
Թե՞ կավարտվի գահերի խաղը,
Նորից կծաղկի ու կցնծա Արցախը...

Տազնապում են ժամանակները,
Յոգին և մտքերը,
Եվ շինությունները,
Երբ որոտում են գեները,
Եվ երերում հիմքերը...

Տազնապում են հերկերը, արտերը,
բերքերը,
Երբ ծեծում է կարկուտը, պատում է
մուրը,
Երբ մարում է մարդու մեջ զուրբ,
Երբ կործանում և տիրում է անգութը,
Երբ խամրում են հոգու լույսերը,
Եվ փլվում են սպասումներն ու
հույսերը...

Տազնապում է
Դարավոր անտառը, անգամ մենավոր
ծառը,
Որ կարող է դառնալ կրակի ճարակ,
Տազնապում է անգամ ծովը,
Որ մի օր կարող է դառնալ ցամաք,
Նույնիսկ Արեգակը,
Որ կսպառվի իր ներսում,
Ջերմություն ու կրակ,
Տազնապում են,

Աղբյուրը, վտակը, գետակը,
Յանկարծ որ տարին չլինի երաշտ...

Տազնապալից են ժամանակները,
Անհաշտ,
Մարդը՝ անկուշտ, ազահ, նյութապաշտ...

Տազնապում է անգամ,
Յգոր երկրի հզոր նախագահը,
Երբ զգում է,
Թե ոտքերի տակ
Ինչպես է երերում գահը...

Տազնապում ենք,
Որ երկիր, այս գունդը
Գուցե և հաջորդ պահին
Գլորվի անդունդը...

Տազնապում ենք,
Որ ծանրացած ու ծանրացող բեռը
մեղքի,
Մի օր երկիրը կճեղքի...

Տազնապում ենք,
Երբ չգիտենք, թե ինչ կլինի,
Այս ամենի վերջը,
Գուցե չարը շրջում է
Մեր պատմության վերջին էջը...

Տազնապում ենք,
Երբ խճճել են անկախության երթը,
Երբ չի երևում դժվարին ելքը,
Երբ մարում է մեր ոգու եռքը...

Երբ մարդասպան է,
Երկիր,
Եվ միտքը, և՛ ձեռքը,
Արնածոր է հոգուդ և մարմնիդ
Վերքը...

Տազնապում են ազգը, երկիրը
Երբ վտանգված է
Անկախության ճանապարհին
Մեր դժվարին ճակատագիրը...

Եվ երկրի վրա կախվել է հարցականը,
ՏԵՐԸ կերի՞ մեզ խաղաղությունը,
Թե՞ նորից հող ու երկինք,
Կծվատի մահաբեր ականը...

Տազնապալից է ամեն վայրկյանը.
Գուցե նորից եռա
Անկախության շարժումը,
Կամ նորից ծավալվի Գոյամարտը,
Կամ մոլորակը տանի կործանման
Երրորդ աշխարհամարտը...

Ամենուր տազնապն է մեզ կրծում,
Եվ տազնապից չկա պրծում...

Տազնապահար է անգամ ՏԵՐԸ,
Որ երկրի վրա առուժախ է դառնում,
Եվ սառչում է սերը...

Տազնապում է և խորանը աղոթքի,
Տեսնելով կեղծիքը, սրտի և մտքի...

Տազնապահար ենք կորցրածի համար,
Եվ տազնապում ենք գտածի համար...

Այնքան են ահագնացել
Վախը, աղը, սարսափը,
Տազնապահար է, ինքն իրենից,
Անգամ տազնապը...

ՏԱԳԵԱԴ
Դարձել է գերագույն գեներ չարի,
Չարը տիրակալը
Երկրի և դարի...